


মেইরিক্

শ্রী চন্দ্রামাহন রাজকুমার



১১০
৫/৭/০৩

মেইরিক্

শ্রী চন্দ্রমোহন রাজকুমার

প্রকাশক : চন্দ্রগুপ্ত রাজকুমার
চন্দ্রশেখর রাজকুমার
বিপুল রাজকুমার
টিঙ্কুল রাজকুমার
— বারো —

রীতা রাজকুমারী
নীতা রাজকুমারী
মীতা রাজকুমারী
মিঠু রাজকুমারী

পয়লা সংস্করণ : ১লা বৈশাখ ১৪০৮ বাংলা ।

প্রাপ্তি স্থান : সেবা সংঘ, রাজনগর ।

শ্রী নির্মলেন্দু রাজকুমার, পুলিশ রিজার্ভ, শিলচর ।

শ্রী কৃষ্ণপদ সিংহ, মাছুঘাট ।

শ্রী তুষার কান্তি রাজকুমার, গৌহাটি হাইকোর্ট, গুয়াহাটি ।

আলগাপুর সমাজ উন্নয়ন সংস্থা, রাজনগর ।

শ্রীমতী লিলি রাজকুমার, রাজনগর ।

শ্রী সুশীল সিংহ, নিউ ভকতপুর ।

শ্রী উৎপল সিংহ, দুর্লভছড়া ।

‘সরালেন প্রকাশনী’, নিউ ভকতপুর ।

সর্বস্বত্ব : প্রকাশকর

মূল্য : ৪০.০০ টাকা

মুদ্রাকর : দি চৌধুরী প্রিন্টার্স, তারাপুর, শিলচর -৩

== উৎসর্গ ==

“আমার সমাজের কাছে
আমার ভাষা
বারো কৃষ্টির কাছে
উৎসর্গীকৃত
জীবনের উদ্দেশ্যে
স্মৃতি তপন স্বরূপে
কাৎকরণ
মোর কবিতা এহানি।”

পারেংহান

		পৃষ্ঠা
১।	জাতীয় সঙ্গীত	১
২।	সালই যেইকগা মনিপুরে	২
৩।	মুড় উচ্ করিয়া তুলো	৫
৪।	বন্দে মাতরম্	৭
৫।	হনো দুনিয়ায়	৮
৬।	ইমা তোর সেবাহনাত	১২
৭।	জাগো বিষ্ণুপ্রিয়া	১৫
৮।	হসিয়ার	১৮
৯।	ভাগো হাবি ভাগো	২১
১০।	মেইরিক্	২৪
১১।	তুমি লাজপানি হিকো	২৯
১২।	তারে ছুপ্ না চেইয়ো	৩১
১৩।	দুরেই যদি করোয়ায়	৩৩
১৪।	ধিক্ ধিক্ তোরে	৩৪
১৫।	ফুটিং ফুটিং	৩৬
১৬।	আহিত পরের	৩৮
১৭।	নুংসিরী প্রিয়া মোর	৩৯
১৮।	তোর দেহাহান পেইম্নি বুলিয়া	৪১
১৯।	মিচাং	৪২
২০।	নুয়া বহক	৪৩
২১।	হিরোসিয়ার দিনে	৪৬
২২।	পাহিলা আশ্বন	৫০
২৩।	পাগল	৫৪
২৪।	দারিদ্র	৫৮
২৫।	অহঙ্কার	৬৩
২৬।	চিত্রাঙ্গদা	৭০
২৭।	প্রভু	৮৯
২৮।	বারিষা	৮০
২৯।	আয় আয়	৮১
৩০।	বর্নর তালে তালে	৮২
৩১।	মুরুসি	৮৬
৩২।	সমাজ দরদী	৯০

লেরিক এহান

আমার সমাজর ভাব এহান —

ভাষাত প্রকাশ পানা মনার - প্রকাশর সুযোগ না পার — জাগরনর উচ্ছলি
তরঙ্গয় মনোসুমুদ্র তুলপার করে — কিন্তু প্রকাশর প্রকৃত ভাষা বা
সুর না পার। দাবীর সোচ্চার আওয়াজ বন্ধ বিদীর্ণ করিয়া নিকুলানি মন
কিন্তু শক্তিপূর্ণ সুনির্দিষ্ট দাবীর তেজোবান আওয়াজ নিকালানি নুয়ারিয়ার
উহানে অতীতর স্মৃতিল ঠুনিংগা ভাগিয়া, ভাবে বিভোর অনা তে পারিয়া
কিন্তু বর্তমান বারো ভবিষ্যতর প্রত্যাশিত ন্যায্য দাবীর সালেদে কৃতসংক
অইয়া দঢ়া মুষ্টিবদ্ধ আতহানি আকসাটে তুলিয়া জনসমক্ষে দেহুয়ানিহ
— অউহান তে নুয়ারিয়ার। উদগ্রীব জনসামাজর উদ্দীপ্ত তেজরাশী -
উৎকণ্ঠিত আগ্রহ উপযুক্ত ভাষার বিহনে কোনো আকপেইত গিয়া থে
খেইয়া অবরুদ্ধ অপরের গা। উহানে ফুৎকারেইয়া না উঠের উত্তাল জনতা
সোল্লাস উচ্চনিদাদ — স্ফুরিত অনা নুয়ারের জাগরনর তেজোদী
প্রকাশমান ভাষা — ঝংকারিয়া না উঠের স্বতঃস্ফূর্ত হৃদয়বিদারক সুর বা
সঙ্গীত।

এতা এতায় জ্বলেইয়া মেইরিক্ নিকুলের মোর মনর উদ্দীপ্ত জ্বিগত
মি না খাম্ করৌরি - ইমার বন্দনাত- ইমারসেবাত - জনসমাজ, ইমা-ইন্দ
যুবক-যুবতী হাবিরে ছকইয়া থৌতাল দিয়া মোর মনর জ্বিগ খানি শীত
অক্ বুলিয়া।

রাজনগর ১৪/৭/২০০১ ইং।

চন্দ্র মোহন রাজকুমা

মেইরিক্

জাতীয় সঙ্গীত

মোর দেশ ইমা, মোর দেশ ইমা

জনমভূমি ইমা।

সুজলা সুফলা শস্য শ্যামলা

কতিও হোভা মোর ইমা।

তোর মহিমা বেদ-পুরাণে অসীম

তোর মহিমা দেবগণ স্তুতিত অসীম

ইমার গুণ কোংগয় মাতে পারের

ইমার গুণ কোংগয় ফুরা পারের

বন্ধন নাশিনী জ্ঞানদায়িনী জগত্তারিণী ইমা।

বীর প্রসবিনী শান্তি দায়িনী

জগজ্জননী ইমা।

উত্তরে গিরিবর দক্ষিণে ভারত মহাসাগর

পশ্চিমে জলধি আরব পূবে হোনার মনিপুর

জয় ইমার জয়

জয় জয় ভারতর জয়

বন্ধন নাশিনী জ্ঞান দায়িনী জগত্তারিণী ইমা।

বীর প্রসবিনী শান্তিদায়িনী

জগজ্জননী ইমা।

মোর দেশ ইমা - মোর দেশ ইমা

জনমভূমি ইমা।

—০০০—

মেইরিক্

সালই যেইক্গা মনিপুৰে

সালই যেইক্গা মনিপুৰে

মনিপুৰে যেইক্গা রে ।

লক্‌টাকার পারে পারে যেইক্গারে

আহো যেইক্গা রে—

খোমাং মৌরাং লুয়াং আংগম্

বিষ্ণুপ্ৰিয়ার বিষ্ণুপুৰে

নিংখৌখঙে

খাঁঙাবকে —

সালই যেইক্গা মনিপুৰে

মনিপুৰে যেইক্গারে

আহ যেইক্গা রে ।

এ প্ৰাচী দেশে সুরালয়ে

বেলীর মৈঙাল হাব্বির আগে —

বেদ লেংকরিয়া যেপেইত

বেদর'ওকার লৌকরলা

আৰ্য্য ঋষি যেপেইত থাইয়া

জ্ঞানর ভাণ্ডার খম্‌করলা

অউহান আমার মনিপুৰহান

মনিপুৰে ডাহের রে

সালই যেইক্গা মনিপুৰে

মনিপুৰে যেইক্গা রে ।

মেইরিক

হৌগি রে তেইর বাছেইয়া।

সালই সালই ত্বরা করে

মনিপুরে যেইক্গারে

আহো যেইক্গারে।

খোমাং মৈরাং লুয়াং আঙগম্

বিষ্ণুপ্রিয়া বিষ্ণুপুরে

সিংখৌখঙে

খাঙাবকে।

আমার ভাগ্য চন্দ্র, কুলচন্দ্র, টিকেন্দরর

পাংকালল'

চৌরজিৎ, মার্জিৎ বারো গভীর সিংহর

চৌখাংল

নরসিং রাজা, কীর্তিধ্বজ, কুশধ্বজর

লৌশিংল

বিষ্ণুপ্রিয়া শৌর্য্যবীৰ্য্যে

কোনগদেও য়াত্ নাছি

বিপর্য্যয়েও মিমুত্ নাইয়া মুড়তুলিয়া উবা অছি -

আজি পুনই আহো

হাবি আহো

জয়ধ্বজ ফৌকরিক্গা

বিষ্ণুপ্রিয়ার মনিপুরে।

সালই সালই ত্বরা করে

মনিপুরে যেইক্গারে।

লক্টাকার পারে পারে

মেইরিক্

পাণ্ডববীর অৰ্জুনে
চিত্ৰাঙ্গদার মিলনে
বভ্রুবাহন, বোপাক আমার
জরম অইলগা পাণ্ডব কূলে —
মালকর সম্মানর কায়ে
রাজা বভ্রুবাহনে
অৰ্জুনেরে ঔ জিঙে জিঙে
বেহাল করল লালফামে।
আজি অউ রকতে তপ্তা অইয়া
ধাব্দের আমার অন্তরে।
সালই যেইক্গা মনি পুরে
মনিপুরে যেইক্গারে
খোমাঙ মৈরাঙ লুয়াঙ আঙগম্
বিষ্ণুপ্ৰিয়াৰ বিষ্ণুপুরে
নিংথোখঙে
খাঙাবকে -।
সাইল যেইক্গা মনি পুরে
মনিপুরে যেইক্গারে।

রাজ্যৰ পটা হস্তিনাত্ত বিষ্ণুমূৰ্ত্তি আনিয়া
বভ্রুরাজায় মনিপুরে বিষ্ণুৰ সেৱা কৰিয়া
বিষ্ণুপ্ৰিয়া করল যত মনিপুৰি হাবিৰে
আহো বিষ্ণুপ্ৰিয়া
হাৰৌ অইয়া -

ইয়া মনিপুরে আছে চুইয়া

১৬/৮/৮৩ ৩৬৪ ৮৬২৫৮

(৪)

১৬/৮/৮৩ ৩৬৪ ৮৬২৫৮
১৬/৮/৮৩ ৩৬৪ ৮৬২৫৮ -

মেইরিক্

৩৫৪/২৮- যেইক্গারে

ঘোমাঙ মৈরাঙ লুয়াং আঙগম্

বিষ্ণুপ্রিয়ার বিষ্ণুপুরে

নিংথৌখঙে

খাঙাবকে -

সালই যেইক্গা মনিপুরে

মনিপুরে যেইক্গারে ।

—০০০—

মুড় উচ্ করিয়া তুলো

বন্ধনর ভয় উড়েইয়া বেলেইয়া

মুড় উচ্ করিয়া তুলো

আমার কা তে আমিই পরিত্রাতা

অউহান হারপেইয়া চলো ।

করানি থকর যেহান করানিত্ থেঙয়

মরানি থকইলে ও মরানিত লেপয়

আমি একীন অইলে হে ইমা বিষ্ণুপ্রিয়া

শৃংখল মুক্ত অইতে ।

জয় জয় জয় ইমা বিষ্ণুপ্রিয়া -

জয়তু বিষ্ণুপ্রিয়া —

বন্দে মাতরম্ - বন্দে মাতরম্ - বন্দে মাতরম্ ।

নাহনোরায অউরে দিশে দিশেদে

ইমার সন্তান হকিষয়ে

মুক্তির ফিরালহান উড়েইয়া হাক্হানাত

মেইরিক্

বন্দনা করতারা ইমা রে —

করানি থকর যেহান করানিত থেঙয়

মরানি থকইলেঙ মরানিত লেপয়

লক্ষ পরাণর বলির রকতেত

লক্ষ লক্ষ জরম অইতায় -।

জয় জয় জয় ইমা বিষ্ণুপ্রিয়া

জয়তু বিষ্ণুপ্রিয়া —

বন্দে মাতরম্ - বন্দে মাতরম্ - বন্দে মাতরম্ !

শৃংখল দুয়ারহান

অইয়া খণ্ড খণ্ড কতহান

ভাগিয়া পরে যারগা

জড়িয়া পরে যারগা

শুময়া পরে যারগা

চেই চেই-

শৃংখল-মুক্ত বিষ্ণুপ্রিয়ার

মোঙে মইঙালহান

জয় জয় জয় ইমা বিষ্ণুপ্রিয়া

জয়তু বিষ্ণুপ্রিয়া

বন্দে মাতরম্

বন্দে মাতরম্

মাতরম্

বন্দে মাতরম্ ।

—০০০—

মেইরিক

বন্দে মাতরম্

বন্দে - ইমা - বিষ্ণুপ্রিয়া -

বন্দে— ।

দেবভাষাত্ত জরম অইয়া
দেবলোকরমা শ্বানা, করিয়া
মনিপুর মাটিত ফৌঅইলেহা

ইমা - ।

বন্দে - ।

লেইপাকহান হাবি ইঙাল ঙাল করিয়া

জ্ঞান দিলে তি প্রাচী দেশ জুড়িয়া

কত যুগ পেয়া

রাজভাষা অয়া

পালছিলে - মনিপুরে

হারৌ হারৌ অয়া ।

ইমা - ।

লক্ষ লক্ষ তোর ছৌ-ছুমারা মাহি থাইতে

লক্ষ লক্ষ আরকণ্ট সেবাদারী, থাইতে

অবলা কিয়াকা অইতেই ইমা -

মিমুত্ নাছি ইমা

বলিঙ তেঙ নাছি

হোমা দেউরি ইমা

বর দিয়া দে—

ইমা ।

মেইরিক্

তি হে বিদ্যা তি হে শক্তি
তি হে ধর্ম তি হে ভক্তি
তি হে পঞ্চ প্রাণ মোর ঠইগ।
আত হানিত ইমা তি শক্তি
হৃদিগত ইমা তি ভক্তি
তোর হে পূজা করিয়ার
মন্দিরে - মন্দিরে ।

বন্দে —

ইমা
বিষ্ণুপ্রিয়া
বন্দে ।

—০০০—

হুনো দুনিয়ায়

হুনো দেশবাসী হাব্বিয়ে

হুনো দুনিয়ায়

হুনো মাটির মানুহ্

হাগর গ্রহ-তারকায়

জ্যিৎতা অনির লালফাম্ করতে

কারে ডরেয়তাঙায় ।

হুনো দেশবাসী হাব্বিয়ে

হুনো দুনিয়ায় ।

দুর্ব্বলরে কাবু করে

অবহেলা কররায়

মেইরিক্

নিজরতা'ল হিকিক্ বুলতে

জুহান কাড়িয়া ধররায় ।

মাম্ করানি চারায় -

মিমুত্ করানি মনারায়

আমি কিন্তু জিংতা অনির লালফাম্ করিয়া থায়তাঙায় ।

হনো দেশবাসী হাব্বিয়ে

হনো দুনিয়ায় ।

মানবিক অধিকার নেইতা আমার ?

নাগরিক অধিকার নেইথাং আমার ?

সামাজিক অধিকার নেই কি আমার ?

সামাজিক দায়ীত্ব ঔ নেয়ইলতা আমার ?

মাতৃভাষাহান'ল ইকরানি পাকরানি

উহানর অধিকার ঔ নাইলতা আমার ?

এ ন্যায্য দাবীর সালে

সভ্য জগতর রাজে

হৈচা-লাক্চা কবতেগা

বেরীপাকে বেরা বেরা

মোঙহানাত্ত খেদরায় ।

মাম্ করানি চারায়

মিমুত্ কারানি মনারায়

আমি কিন্তু জিংতা অনির লালফাম্ করিয়াই থায়তাঙায় ।

হনো দেশবাসী হাব্বিয়ে

হনো দুনিয়ায় ।

মেইরিক

তোমার বঞ্চনার সীমা নেই
আমার লাঞ্ছনার লয় নেই -
সংবিধানে কালি গছতে
তুমি লাজ ও ডরও নাপারায়।

জানি, আমি তোমারান্ত
সুবিচার না পেইতাঙায়
আপ্পানে তোমারে চেইয়া
কিয়া বাছেই তাঙায় —
বুক ফাড়িয়া দিতাঙায়
রক্ত লয় করতাঙায় —
আমার ন্যায্য অধিকার হানি তে
আমি কাড়লইয়া আনতাঙায় ।
হনো দেশবাসী হাব্বিয়ে
হনো দুনিয়ায় ।

তোমার এ নব নব অভিনব সভ্যতা
মায়াবিনী সভ্যতা
কলঙ্কিনী সভ্যতা
এ সভ্যতার নাঙে আজি
যেগি যেগি কইয়া আছি
দুর্বলরে গিলে গিলে
মিমুত্ করাত লেপছি -
কত মাংকরিয়া ও হদাছি - ।
কিন্তু জিৎংতা অনা নুয়ারলে ও
আমি মরানি তে পারতাঙায়
আমার অস্তিত্বহান থনার কায়ে
মৃত্যু বরণ করতাঙায় ।
হনো দেশবাসী হাব্বিয়ে
হনো দুনিয়ায় ।

মেইরিক্

সহ্যরতাও সীমা আছে
সভ্যতার ও মৌয়ন আছে
শাসন শৃংখলা যেতা
গুড়া করিল তাইস্ এতা
কিয়া ভরারায় ?

আমারে জিৎতা অনি দেয় -
আমার অধিকারহান দেয় - ।

দুনিয়ার হদিত যদি
দুর্বল এতার প্রদীপ
নিবানির তাইস্ তুমি কররায়
হারপেয়া তে থই -
জ্বলতে জ্বলতে
বং বং করে করে
জিগ জুলিয়া উঠতে
উঠতে উঠতে !

মাম্ করানি চারায় —
মিমুত করানি মনারায়
আমি কিন্তু জিৎতা অনির
লালফাম্ করিয়াই থাইতাঙায়
হনো দেশবাসী হাব্বিয়ে
হনো দুনিয়ায় —
হনো মাটির মানুহ
হাগর গ্রহ তারকায়

জিৎতা অনির লালফাম্ করতে কারে ডরেইতাঙায় - ।

হনো দেশবাসী হাব্বিয়ে
হনো দুনিয়ায় ।

—০০০—

মেইরিক্

ইমা তোর সেবাহানাত

ইমা তোর সেবাহানাত লগিয়া মি ইমা
জনম ধন্য করেছে।

ইমার নিংশিঙে হারৌ হানে
দুঃখ তুচ্ছ করেছে।

ইমা তোর সেবাহানাত লগিয়া মি ইমা
জনম ধন্য করেছে।

ইমার অসনে ইমারে বহেইতে
ইমার ভাষাল' ইমারে পূজিতে
ইমার ঠারল' হিকানি বুলতে উহান ঔ মোরে নাদতারা
ইমা কতি ঔ অভাগা অছু।

ইমা তোর সেবাহামাত লগিয়া মি ইমা
জনম ধন্য করেছে

ইমার কথাহান মাতানিত যেইতেগা
আতে কড়া দিয়া বাধলা -

কথাহান মাতিয়া লয়নির আগে

লোয়ার পিঞ্জরাত ভরেইলা—

কারাগারে থায়া ঔ ইমারে ডাকতে

ইমায় মাঠিয়া দেউরি —

ইমায় শক্তি সঞ্চার করৌরি

তোর উড়হানাত জরম অয়া ইমা

কতিঔ পূন্য করেছে।

ইমা তোর সেবাহানাত লগিয়া মি ইমা
জনম ধন্য করেছে।

মেইরিক্

আঘাতর পিছে আঘাত দিতারা
যেতাও করিয়া থাকাগা
ইমার অপবাদ করতারা হনলে তে
বুক্গ ফাটিয়া যারগা —
ইমারে অবলা দেহে নুয়ারৌরি
ইমারে পাছরে থানা নুয়ারৌরি
ইমার মানহান থনার সালেছে দে
ঠইগ পণহান করেছু ।
ইমা তোর সেবাহানাত লাগিয়া মি ইমা
জনম ধন্য করেছু ।

যেপেইত যেসাদেও থায়াও থাইং ইমা
হোভা অইয়া মি আছু
হিনরে হিন না বুলিয়া ইমা
নুঙেই অয়া হে আছু ।
ইমারে ডাহিয়া দিনহান কাটেইয়া
ডকহান পাছরে আছু —
ইমা ডকহান পাছরে আছু —
ইমার খৌরাঙে শক্তি যোগেইয়া
শক্তিমত্ত অছু .
জনম সার্থক করেছু ।

ইমা তোর সেবাহানাত লাগিয়া মি ইমা
জনম ধন্য করেছু ।

ইমা মোর ইমা
ও মোর ইমা -

মেইরিক্

তোরেল' হে মোর হুপনহান ।
তোরে সাজল' সাজেইয়া
আসনে বহেইয়া
শ্বল করতৌ ইমা-মস্তহান ।
ইমারে অচলা ভাবে নুয়ারৌরি
লৈরাপীর বেশে চানা না মনাউরি ।
কিতা যাতছেতাং মতইয়া থাইতেইতা
কিতা নেয়ছেথাং লেইরাপী অইতেইতা —
ইমারে সাজেইয়া হারৌ অইং বুলিয়া
জনমহান কাৎকরেছু ।
জনম ধন্য করেছু
ইমা তোর সেবাহানাত লাগিয়া মি ইমা
জনম ধন্য করেছু

কোন দিনে মি নেয়ো গেলেগা ঔ
ইমায় তে হিন্ না পা দিস্
ইমার লক্ষ সন্তান পুলছি উতারে
কল্করিয়া হে ধরে দিস্ ।
একতার মস্ত্র জাগা দিস্ ।
তানুর হাদিতে মোরেঔ পেইতেই -
'ইমা' 'ইমা' ডাহৌরিগা
ইমানাঙে বোলৌরিগা ।
ইমার ডক্হান কক্করে নারেছু
ইমার ঋণহান হুজানিত লেপছু
কতিঔ পূন্য করেছু

মেইরিক্

জনম ধন্য করেছে ।

ইমা মোর ইমা

ও মোর ইমা

বর দে ইমা মোরে —

বর দে ইমার ছৌগরে

জনমে জনমে ইমার সেবাত

কাৎকরে পারিং মোরে

ইমা তোর সেবাহানাত লাগিয়া মি ইমা

জনম ধন্য করেছে ।

—০০০—

জাগো বিষ্ণুপ্রিয়া

জাগো জাগো বিষ্ণুপ্রিয়া

চেই চেই উঠিয়া

দুনিয়ার মাঝে হাবির হাদিত

আছ তুমি পিছ পরিয়া ।

জাগো জাগো বিষ্ণুপ্রিয়া ।

তোমার সাদেনে কত কততায়

উঠিয়া পরিয়া ধাব দিলা -

তোমাতে বেলেয়া মোঙেদে গিয়া

নিজর ফিরাল থেৎকরলা

তুমিতে সিংতা মালয়া কৌলি লাগিয়া

থাইলায় আক্গদে ঔ নাইয়া

হায়রে বিষ্ণুপ্রিয়া !

মেইরিক

লাজ না পারায় এবুজ
হার না পারায় এবুজ
স্বার্থলদন্দল মুজুরা মুজুরি
ককরাগি অইয়া থাইলায় ।

তেব গুণী-জ্ঞানী মনে

টেইপাঙে হুপনে

দল করে করে

সমাজর অবোধ ছৌরে,

সমাজর সরল মানুরে

বিভোলা লাগেয়া থাইলায়

খানিপ্পারাও

বাঢ়ানি নাদলায় ।

এসাদে মোহর আঁধারহান সেচেয়া

তুমি জাগো জাগো বিমুগ্ধপ্রিয়া ।

গাবুরা পোয়েই পুরীজেলেই হাবি

সমাজর তুমি গতি - ।

রকত নেইতা তোমার ?

কান্থি নেইতা তোমার ?

বিবেক দংশিয়া মুড়গি নঙেইয়া

এবাকা ও কিসাদে আছ ?

সমাজে তোমারে বিছারেয়া থাইতে

তুমি তে অউগদে নাছ ?

তুমি আটেলপার জাপুনি বেলেই —

তোমার গারি তুমি ঝাকারেই

তোমাং যেতা শক্তি উতা

কামে কামেদে লাগেই

মেইরিক

সমাজহান তুমি জাগেই — ।
বেলির মৈঙালে মোঙেদে বাঢ়িয়া
জয় ইমার জয় বুলিয়া
জাগো - জাগো বিষ্ণুপ্রিয়া ।

লাজ নেই যেতার মেইথঙে
লাজ নেই যেতার আচরনে
সমাজর যেতা কটা উতারে
সেচেয়া পথগ করো
আণ্ডয়েই তুমি মোঙেদে
একতার এলা দিয়া
জাগো - জাগো বিষ্ণুপ্রিয়া ।

সম্পদ তোমার যাত্ নাগয় কো
শক্তি তোমার কম নাগয় কো
নুয়া উদ্যমে জাগিয়া উঠিয়া
নুয়া চেতনা আনো
শত্রুর বুক হানো ।

বিপদ দেখলে মোকাবিলা অয়া
বিপদরে ঔ জিঙো জিঙো ।

বোপা বোপেই তোমার বীর পুরুষ হাবি
তোমারে আছি যে চেইয়া ।
তানুর খৌরাং মিটানিরকা
জাগো হাবি এক অয়া ।
জাগো জাগো বিষ্ণুপ্রিয়া

মেইরিক্

হার পেয়া থই - মনিপুর পেয়া
তোমার নাড়গ হুনিয়া
ইচুদিন যেতায় তোমারে না পাছি -
তোমারে বিছারতারা — !
সাকেই যেতা বিষ্ণুপুরে
সাকেই যেতা মনিপুরে
তোমার নাড়গ হুনিয়া তানু -
আছি তোমারে চেইয়া —
কোলাকোলি করিক বুলিয়া
আছি তানু বাছা নুয়ারিয়া

তুমি হার পেয়া চলো
চলো হাবি এক অয়া —
জাগো জাগো বিষ্ণুপ্রিয়া ।

—০০০—

হুসিয়ার

হুসিয়ার, হেই হুসিয়ার ।
বৌ বরণে
বজ্র তুফানে
সুমুদুরুহান ভাগিয়া পরের ।
রাইক্কস্ মাহিয়ে
উবুরি অইয়া
উঠিয়া পরিয়া

মেইরিক্

তাল করিয়া হে অহিতারা

ডর দেখয়েইয়া

বিভোলা করিয়া

করম ভাগানি চেইতারা ।

হসিয়ার । তুমি হসিয়ার !

ভয় নেই মাঝি দিশাহারা নাইস্

চেং করিয়াহে কেরালীহান ধরিস্

পালহানর দড়ি শিঙয়া আটেইয়া

অনুকুল বোঁহান থেং করিস —

লেমেদে ঔ লিতনি নাদিস্

দাড় বা-কুরায়

আকতা অইয়া

তালে তালে তালে

তালহান দিয়া বেইয়ো ।

পটগদে নৌগ

উবা না করিয়ো

টোয়ে টোয়ে নৌগ

খল্কেইতে ;

ঝাঞ্জার হাদিত শঙ্কা করিয়া

জিরাফি বেলানি নাচেইয়ো -

নৌগ বুড়েইয়া বেলতে ;

জয় নাং লইয়া

এরা দিয়া নৌগ

টোর গজেদে বাহেইয়া

যাত্রার রুমল' টো কাপে কাপে

মেইরিক্

দুৰ্ঘ্যাগ কাটে ইয়া

আধাৰ সেচেইয়া

সাগৰহান পাৰি দিয়ো ।

বিপদ ডৰেইয়া খামনি না চেইয়ো

বিপদৰ লগে মোকাবিলা অইয়া

বিপদ কাটেইয়া আশুয়েইয়ো ।

নিৰ্ভয়ে যাগা অগ্ৰসৰ অইয়া

ইদুম্ দুয়া অইতে

আধাৰহান ইচ্চিল না থাইতে

বোঁ-বলুনি লয়অইতে

অনুকূল বোঁয়ে পাল আছুলিয়া

পাৰগত নৌগ ফৌকরতে ।

ভয় নেই মাঝি দিশা না হারেইস্

চেৎকরিয়া হে কেৰালিহান ধরিস ।

— ঔরে মৈঙাল আহের মোঙেদে

তোৰ জয়ধ্বনি উঠের গজেদে

দিশে দিশে বারো বোঁয়েদে —

হাগেদে —

মহাকাশৰ গজেদে

আৰকণ্ড গজে মোঙেদে ।

—০০০—

মেইরিক্

ভাগো হাবি ভাগো

ভাগো - ভাগো - ভাগো
চুর্‌মার করো -
আছুটা না থইয়ো কিত্তাও
গুরা গুরা করে
ছুন্থাতু করে
ধূলিত বেলেইগা হাবিতাও ।

গরং গরংগরং ঠরং ঠরং ঠরং
হাবি পুড়িয়া যাক্‌গা
ছালির হাদিত্ত
ফিনিক্‌স্‌ নিকুলক
পাখ মেলেয়া হাকহান ফৌঅক্‌ ।
উজার করো উড়েয়া বেলেয়া -
অসাড করো পরান চুষিয়া
কিত্তা ও নেয়ক গোড়ামীর যেতা
নুয়াতা মাহিল' জরম অক্‌ আরতা ।

গুরুং গুরুং করে দিনহান ভাগিয়া
বজ্রর মান্‌না চিকারীগ দিয়া
বৌ-জিলিকার হাদিত্ত
মৈঙালহানর পিঠিত্ত
ইঙাল ঙালয়া নিকুলিয়া আহক
আধারহান হাবি সেচেয়া ।

মেইরিক্

না - না - না -

উসাদে অনা ছুপ্ করেও না ।

নিয়ম বুলর বে-নিয়মরে ?

সিজিল বুলর বে-সিজিলরে ?

নিয়ম শৃংখলা ভাগিয়া চুরিয়া

নুয়া সিজিলে যাগা ।

ধরো মারো করে থৌকরে আনগা

নাকরতারা যেতা তানুরে;

লেপিয়া পুছিয়া থনান নাগয়

বারেইয়া বুৰেইয়া হংকরো ।

অহঙ্কারর দাঁত ভাগিয়া

পেচাপেচির জড় উছলিয়া

ক্রুদ্ধ ফনিনী সর্বনাশিনী সভ্যতার

মেখুমহানও সেচা দিয়া

সেত্যহানরে নিকালেই

দলাদলির জুহান কারিয়া বেলেয়া

হিংসার জিগ চানাপ্পা নিভা বেলেয় ।

অইলগা তুমি লাজপানি হিকো

অক্‌নেইর জ্বালায় কাদানি হিকো

তুমি রৌ-মেলিয়া কাদো

হাদির জ্বালা নিকালেইয়া কাদো

বুক্ খুলিয়া কাদো - ।

নিজর ডাঙর নিজরাং থইয়া

তানুরেও ডাঙর করো

মেইরিক্

কাদাত চেপ্ করো —

সমাজরাং ভর করো ।

নাইলে তে তোমার আহের দিনহানি কাদানির

দিন আহের তোমার মামনির ।

জাতি ভট্ট অইতারায়

জাতহান ও মাংকরতারায় ।

এবাকা ও তুমি জাগ্রত অয় -

বিভেদ পাছরো আকতা অয়া -

নুয়া সভ্যতার টৌর হাদিরমা বুরিয়া তল্ না অইবায়তা ।

টটরা পারবায় ?

তোমারতাল' তুমি টটরা পাররায় ?

কিত্তাও তোমারতা নিকাল পারতারায়' ?

না, কিত্তা আহান ও দেছ্যা পারতারায় ?

না — ।

বাকী আছে —

বহুত বাকী আছে ।

এবাকই তুমি তোমারে হাজেই

পারিচেং অইয়া নিজরে হাজেইয়া -

মোঙামোঙি তুমি অই -

অবস্থার লগে মোকাবিলা অই

নিজরে নিজে রক্ষা করিল ক্ষমতাহানও লই ;

নিজরতাল' জিত্তা অনার চেষ্ঠাহানও থই

জাতহান অইয়া থানা হানর বৈশিষ্টহান থই

জাতহান অইলে আকতা অইলে

শ্বেনেই তোমার অইতে জয় ।

মেইরিক্

ডিল্ না করিয়ো খাল্‌করিয়া
হাবি শক্তি আক্‌পেইত পুলয়া
জিংতা অইল উপায় করো
নিকুলিল পথগ করো ।
ভাগো ভাগো ভাগো
চুর্মার করো চুর্মার করো ।

—০০০—

মেইরিক্

মি অজর অমর অক্ষয়
অতিমিত অতিব্যস্ত
বিশ্ব মোর হে অন্তর্ভুক্ত ।
মি যেগদে চাউরি যেতা
উগদে পাউরি উতা
দেহৌরি, হুনৌরি, - হারাপাউরি হাবিরতা ।

মোরাং লুকানি নুয়ারতেই -
মারেই করানি চেইলে উহানও নাইতে
ভিতরেদে কথা থয়াও লিতো পারে নারতেই
মারেই গাছি টিপা টিপা ভিতরগ নিকাল তো ।

মি দুর্গম দুস্তর দুর্লভ্য মি -
মি দুর্ধর্ষ দুর্বোধ্য দুঃসাধ্য মি
মি অশনি ঘন ঘন
ঝিক্‌ ঝা ঝন নন নন
মি ঘনকৃষ্ণ বিষরাশি নাগ বাসুকীর ।

মেইরিক্

বিবোধগার করর যেতা
মোরাং কিত্তাও নাগয় উতা -
লরানি অকরলে তে মি
দুনিয়াহান লরের।
হিংসার জ্বিগল' তে
মোরাং কিতা করতে
দ্বাদশ অদিত্যর জ্বিগ
মোরাং বিকাশ অইতে।
মি বীভৎস বিভীষিকা বিষম ভীষণ
নিজর পরর মোর নেই কোনো জন।
ক্ষুদ্র স্বার্থর কায়ে দ্বন্দ্ব অনিবার
নির্মম দণ্ড দিয়া প্রতিকার করৌরি
জনমে ওঁসাদে আর নাইবতা করৌরি।

মি দুর্দান্ত দুর্দৈব দুর্ভিক্ষ হে
এ দ্বিয়ো সুরি দত্ত মোর
উঠেছে সাদেনে শূদ্র
অস্থিসার দেহ এগত
হুদা আঁহিগি জ্বলের
যেন জ্বলন্ত জ্বিগ কু-গর।

বিভীষিকা - বিভীষিকা
ঘোর বিভীষিকা
চেইয়া ওঁরে জ্বলের ওঁরে
নবকর শিখা
লে লেএইয়া দীর্ঘ লেলিহান —

মেইরিক্

মৃত্যুদূতে অটুহাস্যে
বোলের চারিয়োবেদে
ত্রস্ত ভীত মানুষের দুয়ার দুয়ারে ।
সহায় সম্পদহীন
অতি ক্ষীণবল অইয়া
খানিপ্পারা শান্তি এপেইত
পেইতে ভাবিয়া
ঘর ছৌগ হংকরেছিল ঘাটর পারে ।
তি যে ধ্বংস করে বেলা দিলে
ভাগারোগা ঘর উগরে ।
খানিপ্পারা ঔ না লাগিল
তোর দঢ়া অন্তরে ।

নির্দয় নির্মম নিষ্ঠুর অতি,
বিচার্ তোরাং পানার নেই কোন গতি ।
ছলা কলা কৌশলেদে তোরে জিঙানিয়েই লাগতে
ভাওতা দিয়া লেইফৎ দেনা আরতে নুয়ার তেই ।
তি হংকার দিলে প্রতিহংকার,
তোর ধিক্কারর গজে প্রতিধিক্কার
হিংসার পথে প্রতিহিংসা
রকত চেইলে রকত পাহেইয়া
শক্তির পূজা করিয়া
তোর মোকাবিলা করতৌ
আলিয়া তে না থাইতৌ ।

মি যে সেক্ষ্যাতে দুঃশাসন -

মেইরিক্

বরদাস্ত নার মোর
কারও কোন শাসন।
ঠুং ঠুং দিয়া ভাগিয়া রুখিয়া
শক্তিমন্তরেও ঠেকৈইতো —
তারতাও চাংহান চেইতো ।

পাংকাল দেহেয়া দমানি মনাছত ?
কার পাংকালে উবা অছত
উপায়ান্তর ভাবেছত ?
মানুহ্ অয়া থানার অধিকার উহান
সমাজ অয়া থানার অধিকার যেহান
কাড়লইয়া থনা পারতেই তা ?
সমাজ আহানরে মিমুত করানির
অধিকার কোরাং পাছততা ?
অস্থির অক্ষম কিংকর্তব্য বিমূঢ়
না অয় এবাকাও অমাটিক রূঢ়
তোরতা যাম্ দিন বাছানি না লাগতে
তোরাং ও এসদে ঘটতে ।
লেহার দিনহানি ফুরিয়া আহের
স্বৈ নেই তোরাং পরতে ।
হাঃ হাঃ হাঃ —
আহো হাঃ হাঃ হাঃ —
আনন্দর সীমা নেই
আজি জ্বিগর তাপহানে নুঙেই হানে

মেইরিক্

হারৌপার অন্ত নেই।
মোর নুঙেইপার লয় নেই।
খাম্ করানির মারাম্ নেই।
ছালির তলে আছিল জ্বিগ
গরং গরং নিকুলিল ।
পরলেয় জ্বিগ লাগিয়া আহের
উতাত্ ও মি আছু
একে একে হাবি লয় অ' গেলেগা
উতাত্ ও মি আছু ।
পিছেদেউ মি আছু ।
নাড়গ ফাড়িয়া চিকারী দিয়া
বীকট রূপে হা - করিয়া
পরলেয় ঘটেইয়া থাইতৌ
বোঁর আগাদে ধাব্ দিয়া ধাব্ দিয়া
হাবিরে - হজাগ করিয়া থাইতৌ,
যতবিলে মি তৃপ্তি না পাছু -
শান্তি না পাছু
মানুহর মাঝে মানুর কায়ে
খৌতাল দিয়া হে থাইতৌ ।
যুগে যুগে মি উচ্চ নিনাদে
মানুহর এলা দিতৌ ।

হনর ওরে দিকে দিকে আজি
উঠেছে চিকারী —
হংকার মহাবল
দিকে দিকে আজি জুলিয়া উঠেছে
উজ্জ্বল শতদাবানল
অযুত কণ্ঠত এলাহান কাছে
জয় পতিতর জয়
জয় পতিতর জয়
জয় জয় মানুহর জয় !

—০০০—

মেইরিক্

তুমি লাজপানি হিকো

ইমারে বানা পানাহান দেহারায়
ভেই-বুনিয়ে তে লাগিয়া পররায়।

তুমি লাজপানি হিকো

তুমি লাজপানি হিকো

তুমি লাজপানি হিকো।

আজি ঔ ইমার নাংহানাত
এক অনাহান কিতার কাষে নুয়াবরায়।

ইমারে বানাপানাহান দেহারায়
ভেই-বুনিয়েতে লাগিয়া পররায়

তুমি লাজপানি হিকো।

তুমি লাজপানি হিকো।

তুমি লাজপানি হিকো।

তুমি তুমিয়ে লাগিয়া তুমি

তুমি হে খেয়োরায়;

তুমি হে তোমারে অপবাদ দিয়া

তোমারে ছানরায়

তুমিয়ে তুমিয়ে লাগিয়া শৌঅইয়া

শক্তি ক্ষয় করোয়ায়

নিজ রে তল্ করোয়ায়।

এবুজ আক্তা অয়া উবা অ' নুয়াররায়

আক্তা অয়া মাতে না পাররায়

আক্তা অয়া একতা দেহেইয়া

মেইরিক

আক্‌হানও করে নূয়াররায়
কিহান মনেয়াও ফাল্ দরায় ।

তুমি লাজপানি হিকো

তুমি লাজপানি হিকো

তুমি লাজপানি হিকো ।

ইমারে বানা পানাহান দেহারায়
ভেই-বুনিয়ে তে লাগিয়া পররায়
তুমি লাজপানি হিকো ।

হার না পেয়া ও হারপেয়া থারায়
বু' নাপেয়াও বৌ-পেয়া থাবায়
ছটন মাহি দিয়োরায় ।

কার ক্ষতিতে করোরায়
এবুজও বু' নাপরলায় ।

নিজর জাংহানাত বানুকল' ছেদেয়া
নিজরে অচল কারোরায়
হুদা কৌলিল ' মজিয়া থাইলায় ।

তুমি লাজপানি হিকো

তুমি লাজপানি বিকো

তুমি লাজপানি বিকো ।

ইমারে বানা পানাহান দেহারায়
ভেইবুনিয়ে তে লাগিয়া পরোরায়
তুমি লাজপানি হিকো ।

জিদ্‌হানে তোমারে বশ করেছে
তেয়াগ তোমাং নেয়ছে

মেইরিক্

নিজর জিদল' জিঙানি তাল্‌করতে

করম ভাগানি আছে।

ঘরর কৌলি বারে দেহেয়া

জটগ লাগেয়া তুলেছ

হেরহান পেয়া দুষ্মনে তোমারে

বেরেইয়া বুৰেইয়া থাকে।

তুমি পুংনিং সেংকরো —

ইদুং দুয়া করো

মনহান যৌঅইয়া ছি-যৌঅইয়া

কল্‌করিয়া হে ধরো-

আগরে আগয় কোলাকোলি করো।

তুমি লাজপানি হিকো

তুমি লাজপানি হিকো

তুমি লাজপানি হিকো।

ইমারে বানা পানাহান দেহারায়

ভেই-বুনিয়ে তে লাগিয়া পরোরায়

তুমি লাজপানি হিকো

তুমি লাজপানি হিকো

তুমি লাজপানি হিকো।

—০০০—

তারে ছুপ্‌ না চেইয়ো

তারে ছুপ্‌ না চেইয়ো

তারে ছুপ্‌ না চেইয়ো

সুল্লে সুল্লে বাধা দেৱগ

তারে ছুপ্‌ না চেইয়ো।

মেইরিক্

কামহানাত ঔ না পাংকরতৈ
যুক্তিতঔ না য়ৌ অইতৈ
বারাদে থাইয়া ছিদ্র চেইয়া
লুম্ করিয়া বইয়া থাইতৈ
অক্ বা না অক্ টটরতৈ
মানুরে হুনেইয়া চুমনি চেইতৈ।
কামর কামতে করানিত নেই
বেরাবেরিত তে জীরনহান নেই।
সমালোচনাত মজিয়া থারগ
নিজরাং পরলেতে পাঙয়া চারগ।
তারে ছুপ্ না চেইয়ো
তারে ছুপ্ না চেইয়ো
সুল্লে সুল্লে বাধা দেৱগ
ছুপ্ না চেইয়ো।

তোৱ কামহান য়েগদে
যাগা তি উগদে
হাবি বেলিয়া যাগা মোঙেদে।
আবর্জনা না চেই এতা
পরিয়া থাকা পাকিল যেতা।
তোৱ যাত্রার বেগে
ধূলির মেঘে
তা তে উটিয়া পরিয়া থাইতেগ।
তারে ছুপ্ না চেইয়ো
তারে ছুপ্ না চেইয়ো
সুল্লে সুল্লে বাধা দেৱগ

মেইরিক্

ছুপ্ না চেইয়ো।

বাধা বিঘিনি নিকুলের যেতা
কামর লগর সঙ্গী উতা
উতারে ঠেলেয়া সেচেয়া গেলেগা
তানুর করিলতা কিত্তাও নেইগ।
তারে ছুপ্ না চেইয়ো
তারে ছুপ্ না চেইয়ো
সুল্লে সুল্লে বাধা দেৱগ
ছুপ্ না চেইয়ো।

—০০০—

দূরেই যদি করোয়ায়

দূরেই যদি করয়ায় মোরে
দূরেইর সুরগ হনতারায়া
কাদাত যদি কল করয়ায়
পাংকাল হানও পেইতারায়া
আলিপেয়া যদি আলিহান ভরারায়া
নিন্দা করিয়া নিন্দা বাঢ়ারায়া
তোর ছেয়াগয় তোরে এরা নাদ তৈ ।
তি আঙেইলে তাও আঙেইতৈ
নিজে করর উহান নিজরাং হারপেইয়া
কল্‌করগা তারে তোর আপনগ করিয়া।
এগরেও যদি নুঙেই নাপার
হৌগরেও যদি হোভাও নাপার
মতে যদি বা নাও তোর তিলর
তানুরে তানুর পথগদে দিয়া

মেইরিক্

তোর কামেদে তানুরেও লাগেইয়া।

ধান বাহুতেগা চৌল নেয়ইলেতে

চাৱাহান তোৱতা ফাইতৈ তা?

দানাগ মুকেইয়া চৌলগি নিকাল

চেংফুগ তোৱ তেঙ্ নইবতা।

—০০০—

ধিক্ ধিক্ তোৱে

ধিক্ ধিক্ তোৱে বাৱে বাৱে

মানুহৰূপী তি মাৰ্কেগুৱে।

দশৰ লগে তিলইতেগা

মেইথং লুকেইয়া খাৱ;

কথা মাত্তে তোৱ সাহস নেয়ৰ

লাজে ডৰে ছুপ্ টটৰা নুয়াৱৰ।

কিয়াও জৰম অছত তি

মানুহৰ ঘৰে !

মনৰ কথাহান মাতে নুয়াৱিয়া

থুতুমুতু খাৱ তুতালা অইয়া।

ঘাম শ্বোয় শ্বোয় মেইথংহান পুছৰ

আতৰ তালি দিলে তে সুময়া পৱৰ।

কিবা জানি কিতা বুল্‌তায় পাউৰি;

তোৱে চেয়া চেয়া আহিতাৱা পাউৰি,

কিবা জানি তি মাতে নুয়াৱৰ

লাজে ডৰে গিয়া কথা পাছৰৰ।

মেইরিক্

মানুহর মোঙে লাজপেইতেই বুলিয়া
কথা আধা আধি খৌনিগত লুকেইয়া

নিজরে হরকাং নিং করিয়া,

এগদে হেগদে আঁহিগি বোলেইয়া,

ঘাম শৌয় যারগা খাল্‌করিয়া ।

অমাটিক পাঙছত্‌তা - ?

নিজরে নিজে অমাটিক হেলা কররতা ।

কি বিস্ত্রী তোর স্বভাব !

কিহানর কা ?

তোর কিতার অভাব ?

তোর শক্তি সাহস সামর্থ্য যেতা

বুদ্ধি কৌশল জ্ঞান যততা -

হোব্‌তা করে খাল করিয়া চা তা

তানুরাংত কোন কম আছেতা ।

তোরাং আছে জিউগ খৌকরে নুয়ারর ?

উবা অইয়া চা নে তি

কিসাদে জিগ নিকাল পাৱর !

তোরে চেইয়া তানু বিভোলা লাগতায়

তোরাংত হে তানু হিকিলতা হিক্তায় ।

লুকেইয়া থইলে তোর কথাহানি -

কিসাদে তানু তোরে হারপানি ?

উঠ্‌ উঠ্‌ সাহস পুলকর

নিজরে হংকর

হারপার যেহান -

মেইরিক্

মাতিল যেহান —

ফোংকরিয়া মাত্ —

ডর কিতার উহানাত ?

যার যির গুণ যার যিরাং চেই

তোর গুণ ওহান তানুরাং নেই

তোর গুণে তানু গুণবান অইতায়

হাবিয়ে হে তোর বাখান করতায়।

সাহস পুল্কর

নিজরে হংকর -

বেলীর মৈঙালে মেইথং না লুকেই

দুনিয়াহান তোর ডাঙর থৈ নেই।

—০০০—

ফুটিং ফুটিং

ফুটিং ফুটিং ফুলর কুড়ি

ছাতোনিহান ফাঙ নাছে

মধুকরে মধু পিনা

বাছা নুয়ারিয়া বাছাছে।

নুংশি গঁধহান ছিতারাছে

চিনি চাম্পার কুণ্ডলগ

ভোন্মানাগয় গুন্ গুনেইয়া

ছপ্‌দে ছপ্‌দে বোলেরগ।

চুমা খেইয়া চাম্পা গিদেই

মেইরিক

থুর থুরেইয়া লরিরি -
জারে নারিয়া তুলতুলেইয়া
শাতো শাতো কেলইরি ।
সৌরভহানে ভোম্‌রা আর তে
থানা নারিয়া ধাব্‌দেরগা
পাগল অইয়া ধাব্‌দে গিয়া
চাম্পার বুকগত পরেরগা ।
ফুলর মধু পিয়া পিয়া
ফাল্‌দে ফাল্‌দে জাতা দিয়া
রস নিকালার ভোম্‌রা বন্ধু
চাম্পার বুকগ ছানিয়া
ছপ্‌করে না ঠুঁঅইয়া ।
চাম্পারতা আর উপায় নেয়ইল
আকাংখারতা ও সীমা লালইল
বাহানিরতা ও মাটিক নেয়ইল
উত্তেজনার চরমেতে
ঘামগ মাহি ঝৌঅইয়া
প্রিয়তমরে কল্‌করিরি
হাব্বি গাঠি মুকেইয়া
ছপ্‌ করে না জিরেইয়া ।

—ooo—

মেইরিক্

আঁহিত পরের

ফড়িংগয় তিড়িং তিড়িং
নুয়া ডেম্গ ছিড়িং ছিড়িং
লেইশাং ফুলে বেরা বেরা
হাকহানাদে যারগা কইয়া।
শাওনাহানে নৌ নৌ করের
হাবিগরতা ঔ আঁহিত পরের।

ছপ্পা ছপ্পা লতর ফুল
শিয়াও শিয়াও করের।
লিরি লিরি বোঁ আহানে
কিহান পৌহান দিয়া যারগা
লেইশাবীয়ে হারৌহানে
সাজেল করে নিরিগা।
ফুলে ফুলে চুলগ হাবি।

ফুল ফুলেইয়া সাজাছে -

ডেমর আগা বেরা বেরা

চুলর বেনী বাধেছে।

রাঙানীলা ফুলগ মাহি

চুলর খুপাত খোয়াছে

আশাংপা লত কুম্গ অনায়

ইশাং-শাক্‌পা অলোছে।

পাতার হাদিত খুয়ার পানি

পরিং পরিং বুলের -

রইদর মৈঙাল পরানিয়ে

মেইরিক্

ঝলক্ ঝলক্ করের।
লতে লতে চাক্কা অনায় -
গজহান হাবি মিরমিরার
চিক্চিকা রইদ গজে পরলে
আরো জিঙে সিরসিরার।
বেরা বেরা ছিতারেইয়া
বেরেইল আরতাও বিছারেইরি
কুঞ্জ পেইলে গুঞ্জে গুঞ্জে
ঝপ্পুরাগ ছাত্কারিরি।
বন্ধুর লগে কুঞ্জর মাঝে
খেলেইল ফামহান সাজেইরি
ফড়িং রাজা প্রজাপতি
আইতে বুলিয়া বাছেইরি।

—০০০—

নুংসিবী প্রিয়া মোর

নুংসিবী প্রিয়া মোর
দেখাহান পেইংনে তোর।
কিয়াকা মনাউরি মাতে নুয়ারৌরি
তোরে না দেহিয়া বারো থা ও নুয়ারৌরি।
মনে মনে খাল করৌরি
তোরে দেহা পাউরি।
তোরে নাদেখলে তে মি বিভোলাগ অউরি।
দুয়ার বন্ধ অইলেও —

মেইরিক্

আনা নারিয়া থাইলেও

মি তে দেহা পাউরি

টটরেইয়া থাউরি।

দূরেই অক্ - দেওয়ালও থাক্

দুয়ার হাবি বন্ধও অক্

লোয়ার জিঞ্জুর বাধহানও থাক -

জীবনে মরনে

প্রেমর রাজ্য হানাত

বাধা নেই

ব্যথা নেই

শয়নে স্বপনে

মনহানে মাতে যারগা

প্রেয়সীর কানে কানে।

টটরেইয়া থাউরি।

তিও মুক্‌সি দ্যউরি

তোরে না দেহিয়া মি যে ছুপ্

থানাও নুয়ারৌরি।

য়ারৌ করিয়া -

গালগি ফুলেইয়া -

পিঠিহান বোলন দিয়া

টেরাদেতে চাউরি

‘মনলিসা’ তি যে মোর

ঠইগ কারৌ রি।

যেতার তুলনা নেই

ধরে পারিল উপায় নেই

মেইরিক

হাব্বিতা ঢালিয়া তোরে

কল্করানি চাউরি ।

তোরে নহিয়া মি তে আর

জ্যিৎতা ঔ নাউরি ।

—০০০—

তোর দেহাহান পেইম্ নি বুলিয়া

তি যে মোরে মাতেছিলে

অউদিনকার দিনে

নব বসন্তর দিনে

তোর লগে অইতৈ মিলন

কুঞ্জ কাননে

নিকুঞ্জ বনে ।

আজি ফুলর মালা গিথে গিথে

লেহেয়া লেহেয়া

আছু যে বাছেয়া

তোর দেহাহান পেইম্ নি বুলিয়া

কত মারেই করিয়া

কত কত ছটন দিয়া

বাধা না হনিয়া আউরি

ধাব্হান দিয়া

তোর দেহাহান পেইম্ নি বুলিয়া ।

নটবর প্রিয় ওগো

মোরতাতে তি হে ঠইগ

মেইরিক্

তি বিহনে কুঞ্জবনে
হাবিতা অসাড় ।
মালতীর গঁধহান নেই
ভ্রমরার গুঞ্জন নেই
ফুলর মধু ফুলর মাঝে
যারগা ছকিয়া
তোর দেহাহান পেইম্ নি বুলিয়া ।
আর কতি কাদুয়েইতে
হে প্রিয়তম -
প্রাণ পাহিয়াগ মম ।
অইলগা মোরে দেহা দেইয়া
স্নেহভরে কল্ করিয়া
কাদুরা বসন্ত এহানাত - ।
আয় আয় ত্বর করে
থাইলু বাছেয়া
তোর দেহাহান পেইম্ নি বুলিয়া ।

—০০০—

মিচাং

বেলীর মোঙে উবা অইয়া
ছেয়াগ যদি না দেহর,
মনর যেতা মাতিয়া যারগা
হারপাকুরারে হার না পোয়ার
মাতলে যেতা করলে যেতা

মেইরিক্

কানাহান কিতা অইতে তা - ?

আগরে আগয়ে হার না পেইলে

মিচাং মান্না অইতে তা ?

—০০০—

নুয়া বহক্

চঞ্চল চপল

মৃদু মন্দ আহিগিল

টৌর গজে চলছে

আমার নুয়া বহক্গ ।

গারিগর শিহরনে বেশ-ভূষার পারিচেতে

মাটিহানাত আছে থাং

কিহান করতৌ হারপেইরী থাং ?

নুয়া নুয়া মুড়র ফুতি

বারে বারে পারের কতি

না দেনিও মনেইরি

নাদলেও বারো শাক্তি অইরি

খাল করিরি আটে আটে

কিহান করতু মুটে মাটে ।

হৌরিয়লর পরথানি -

আহের হুদা কাদানি

ইমা বাবা নিংশিং অইলে

খানা পিনাও বেলেইরি ।

এবারাদেও চেইরি

হৌবারাদেও নিংশিং অইরি

মেইরিক

উহানরে পাজালেয়া
জিলিকেইয়া নিকাল।
তোরতা তানু তামকারিয়া
তানুও খানি ভালকা
উসাদে অউ লিচেৎ বেবার
ঘরগর মাঝে দেখ্যা
শান্তি তোরতা
লক্ষ্মী তোরতা
মৈঙালহানও তোরতা অইতে।
নুয়াবহক ঘর গিথানক
হাবি তোরতা শ্বে নইতে।

—০০০—

হিরোসিমাৰ দিনে

হুংকার চারিয়োবেদে
আৰ্ত্তনাদ দিশে দিশেদে।
হুদা দুগ্গ !

অও দিনে অক্ষশক্তিয়ে
বোমাগি বেলেয়া
পরলেই করলা।

নাগাসাকি —

হিরোসিমা —

জাপানর বৃহৎ দুগ শহর
বংশ নাশ অইলা
প্রাণহীন অইলা।

মেইরিক্

জনমকারকা বিকলাঙ্গ অইয়া পরলা।

বংশ পরম্পরায়

মানব জীবন।

না-না-না মানুহ ইচ্ছিল নাগয়

প্রানী জগতর প্রানবন্ত হাবি-

কুরু শুময়া

বিকৃত অইয়া

নিশ্চিহ্ন অইয়া গেলাগা।

অভূতপূর্ব দৃশ্যহান।

অভূতপূর্ব প্রতিক্রিয়া হান

যুদ্ধয় কি ধ্বংসই না করে পারের।

জাপানর রাজা 'হিরোহিটো'

দিগ্বজয়ী 'হিরোহিটো' -

যেগর ভয়ে অক্ষশক্তিয়ে

বিভোলা লাগিয়া

উপায় না পেইয়া

মরণ কামড়

আনবিক বোমার ব্যবহার করলা

দুনিয়াহান থাক না থাক

খালকরিয়া না চেইলা।

ইমে অউ দিনেই — হিরোহিটো

মানবিকতার সালেদে

মুড়গ নঙেইল।

যুদ্ধর আর কাম নেই নিংকরিয়া

অক্ষশক্তিরাত

মেইরিক্

আত্মসমর্পন করল।
দ্বিতীয় বিশ্বযুদ্ধর অন্ত পরিল।
অক্ষশক্তির বিজয় ঘোষনায়
আকাশ পাতাল ভাগিয়া পড়িল।
অউ হিরোসিমা
বারো নাগাসাকিত
আজিও মুড় নঙেইয়ার
নিরপরাধী কোটি কোটি জনর
কবরর মোঙে ;
এসাদে ধ্বংসকার্য্য
এতাত্ত পুরি
বিরত থাইতাঙায়
প্রতিজ্ঞা করিয়ার।
মানবিকতারে উপেক্ষা করিয়া
পরোলে পরোলে বোমা হংকরিয়া
ফাটেইয়া ফুটেইয়া ডর দেহেইয়া
মিকুপহানাত্ দুনিয়া ধ্বংস করিল
ক্ষমতা আছে দেখ্যা দেখ্যা
হংকার দিয়া
শক্তিধর অইয়া মাত্তারা -
'আরতায় এসাদে অস্ত্র হংকরে নুয়ারবায়।'
চীন, আমেরিকা, ব্রিটিশ, রাশিয়া,
ফরাসী দেশহান যৌঅইয়া
তানুয়েই যেমন দুনিয়ার মালিক
তানুর আওতাত গুপে গাপে

মেইরিক

যত কৌলির আড়ডা লাগেইয়া
উঠিয়া আয়তারা কাদাবারার যেতা আছি।
হীনবল করিয়া থইয়া
উতারে যুদ্ধর অস্ত্র যোগেইয়া
আরতায় হংকর লে সাবধান বুলানি -
উহান ইচ্ছিল চেইলা।

নীতিহান

এহান কিহান !
মুড়গি তানুরাং বেচেছিথাং ?
দেশহান তানুরাং এরা দেছিথাং ?
বৈজ্ঞানিক চিন্তা ধারা
তানুর কথাল' চলতৈথাং ?
মোর দেশহানাত
মোর চিন্তা ধারায়
মোর বিজ্ঞানে
কৌশল ধারায়
নিকালাউরি কত সম্ভার
ব্রহ্ম অস্ত্র অতি দুর্নিবার
কততা থইতৌ রক্ষাকবচ
দেশবারো মানুহর রক্ষারকা।
তুমি থইলেতে কিত্তাও নেই
মানুয়ে থইলেতে নুঙেই নেই।
উহানতে বারো কিসাদে কথাহান
উহানতে তোমার ফন্দিহান !
তোমারাং থাক মারগাস্ত্র

মেইরিক্

অন্যরাংতে মানা।

তোমার অধিকার মারানিরকা

আরতা তোমার শিকার অলকা

এহানেই তোমার যুক্তির নেশাহান এনা

হায়ারে লেংটা আন্দুকা সভ্যতার

ব্যবস্থাপনা।

আমেরিকার গব্ব

অইতে আক্দির্ন খব্ব

লগরতায় ঔ নাথাইতায়

নিঃসঙ্গ করিয়া থইতায়

শক্তি থাইতে হে অভিমানী

সময় থাইতে সদ্যবহার করো

মানব সমাজে মানব সমাজরে রক্ষা করো।

—০০০—

পহিলা আশ্বন

আজি মোর জনমর দিনহান।

এহানেই কি মোর নিংশিঙুর পরিচয়হান?

তেরশো পয়ত্রিশ সনর আশ্বন

শনিবারর দিনে

রাতি নঙেইত্

মালক-বাপকর পরিচিতিত

ভূমিষ্ঠ অইয়া

মেইরিক

কাদানি অকারলু 'অমা', 'ইমা' বুলিয়া।

জন্মদাত্রী ইমা।

নৃয়াগ তে নাগয় মোর ইমা।

যেপেইত্ যেবাকাও যেসাদেও অক্

জরম দেছে মোর ইমা।

কত কুলে, কত দেশে, কত মিমামে

অইয়া আহেছত ইমা'।

আঁহিগি না খুলিয়াও চিনলু তোরে ইমা -

বোঁহানাতে গঁধহানাতে

ইমার পরশহানাতে

পরিচয় পেইলু ইমা।

আঁহিগি মেলিয়া - হারৌ অইয়া

ইমারে কল্‌করে ধরৌরি -

ইমার উম্‌হানে নুঙেইহানে

ইমার বুক্‌গত ঘুমুজে পরৌরি।

যুগ যুগ ধরে জনমে জনমে

ইমা তে অয়া আছত ছৌগর ইমা।

আঁহিগি মেলিয়া চেইয়া চেইয়া মি

অবাক অইয়া চাউরি

দেহৌরি যেতা হাব্বি চিনৌরি।

গাছ বিরুখ যেতা উবা অইয়া আছি

আগেও তানুরে দেহেছু উসাদে আছি।

তানুর লগে খেলেয়া খেলেইয়া

তানুর ছেয়াত্ জিরেইয়া জুরেইয়া

তানুর সঙ্গীত হনিয়া হনিয়া

মেইরিক্

আছিলু কত দিন কাটেইয়া।

ঘাট নদী যেতা ধাব্দের এবাকা

এতা মোর হাবি আপন

তানুর লগে খেলেইয়া খেলেইয়া

কাটাছিলু মোর কত দিন।

ঝঞ্জা-তুফানে ষোয়ইয়া লৌদিয়া

ডর দেহেইয়া গেলগা

বৌহানে মোরে কতবার কানে

প্রেয়সীর কথা মাতিয়া গেলগা,

অজিও মোরে কানে কানে মাতের

ইতাও তিও এপেইত্ আইলেতা।

অহিয়া মাতোরি জীবন সঙ্গীরে

বন্ধু, মোরে চিনলে তা ?

জীবন খেলাত

এপেইত হেপেইত্

যেপেইত হেপেইত্

খেলানি লাগতে

কারকা খেলয়ার কিয়াকা খেলয়ার

আংকবানি না লাগতে।

সময়র ভিতরে খেলা তোর খেলাহান

সময়হান লালইলে কারতাও নেই

মিকুপ্ আহান থাইল অধিকারহান।

শূন্যে নিরালম্ব আকাশে

গ্রহ উপগ্রহে

হাগেদে বোঁয়েদে

মেইরিক্

জলে স্থলে

মহাঅস্তরীক্ষে

বিধির বিধান যেনেইত

হাবিয়ও ভোলিয়া আছেছ।

জীবন মোর হুদা আক্কেইত নাগয় ।

প্রকৃতির যেতা

তোমাতে দেহেছ

তোমাতে হুনেছ

তোমার লগে

আজিকার সাদেনে

কথা টটরাছ।

তুমি মোরাং নুয়া তা নাগয়

অপরিচিত নাগয় ।

তুমি মোরাংত ভিন্ন ও নাগয় ।

জীবনর লগে জীবনর সম্পর্ক;

খেলার লপুকগ তঙাল অইলেও

বিধি-নিয়মে নেই পার্থক্য

লয় অইতে য়েবাকা

নেই অইতেই উবাকা

যেই তেইগা হুদা কর্মহানি বেলয়া ।

সৃষ্টির চিরন্তন ধারা এহানাত

কত কত ফামে কত কত কামে

কত কত অংতা লাক্তায়

কার লগে থাইয়া কিতা সন্মোখিয়া —

দিনহান যানা কাটেইয়া ।

মেইরিক্

খেলা এহানাত বিরাম নেই
বিশ্রাম নেই
আটেল নেই
লেইফং নেই
মিকুপহান গেলেগাও
নিজর হে গেলগা;
আলথক্ পানা দায় ;
আকুতি মিনতি সম্বন্ধ প্রীতিল'
খানি বাছুয়ানির উপায় হে নেই ।
করিল যেতা করিয়াতে যেইতৌগা
কর্মর ফলহান ও থ দিয়া যেইতৌগা
মোর তোর বুলিল কোনো কানা নেই
খেলানিত হাবি আহেছি এপেই।
যেপেইত আহেছু উপেইত যানা লাগতে
যেগয় পেঠাছে তারাঙেই
ফৌঅনি লাগতে ।

—ooo—

পাগল

মি ও পাগল
তি ও পাগল
তা ও পাগল
অউগ ও পাগল
হাবি পাগল।
হাবির ভাবে হাবি ও পাগল।

মেইরিক্

পাগলে পাগল পেইয়া
পাগল পাগল অইয়া
'পাগালা', 'পাগালা' বুলের
নিজরে তে পাছরের।
তামাম্‌ দুনিয়া পাগল
সুক্‌ঠ সুক্‌ঠ পাগল
শিয়ানে শিয়াস্তি পাগল।
নিজর দোষহান যেহান
বিরানিত গিয়া উহান
আরাক আগর গজে
দোষ চাপা দিয়া
নির্দোষেরে দোষী করেব
বানেইয়া বুনেইয়া —
উসাদে পাগল ঔ আছি
পাগল অলইয়া
জিঙানির ভাবহানল'
নিজরে তেম্‌জেইয়া।
পাগলর যে দুনিয়া
পাগলেঔ না হারপেইয়া
ইমে পাগল অয়া ভোলে ভোলে
দিনহানি থার কাটেইয়া।
তারে পাগল বুলের
যেগয় দেহের উগয়
তারাংতে তা চুম্‌কা আগ
পাগালাগ নাগয়।

মেইরিক

তার ভাবে তা শান্তি পেইয়া

থার খিয়ানে মন্ত অইয়া ।

খানার পাগল

বারো পিনার পাগল

জেলেইর পাগল

বুলতে মুনির পাগল;

দৌয়ার পাগল

আর ভূতর পাগল;

প্রেমর পাগল

গজে ধর্মর পাগল;

নেশার পাগল

লগে পেশার পাগল;

পাগল! পাগল! পাগল!

কত শত শত পাগল -

তি পাগল চিনে পারতেই গ?

না, পাগল অ'না পারতেইগ ?

খানা নেই

পিনা নেই

সর্দি নেই

গর্মি নেই

লাজ নেই

লজ্জা নেই

ইমা নেই

বাবা নেই

ভাই নেই

মেইরিক্

বন্ধু নেই

বিষয় নেই

সংসার নেই

উসাদে তি পাগল অনা পারতেইগ?

দুনিয়াহান মিকুপরকা পাছরানি পারতেই গ?

কত পাগল অহিলা

কত পাগল গেলা

পাগলর লেহা কিতা

থইয়া থনা পারতেইগ ?

পাগলে পাগলে মিতা

পাগলে পাগলে তিতা

পাগলর অংতা কিতা

ধরে থনা পারতেই গ?

ব্রহ্মা পাগল শিব পাগল

নারদ পাগল ঋষি পাগল

এতা এতায় হে অদি পাগল

পাগল বুললে তানুহে পাগল ।

পাগালগ না অইলে

পাগল কোরাং পেইলে ?

পাগালা পাগলে হে

আসল পাগলরে পার;

পাগল অনা পার লেহে

পাগলাগায়ঔ শান্তি পার ।

হুতুমে তি দুনিয়ারমা

ইষ্ট পানা মনারগ?

মেইরিক্

উহানবকা একক্ষেম্ অইয়া

পাগল অনা পারতেই গ?

—০০০—

দারিদ্র

দারিদ্র —

যতফুরম্ মি লিতনি চাউরি

দুয়ার হান লেহে তি থেপ্ করৌরি

যতবার মি পাং-লাক্ চেইলু

হাবিতাও তি খাম্ করৌরি।

অতি নিষ্টুর তোর ছলনা

অতি ক্রুর তোর লাঞ্ছনা

অ-নাও নেই

না-নাও নেই

না-নিয়ে অ-নিয়ে

কৌলিয়ে স্বৈ-অনিয়ে

হুং হুং করে থার

ছুপ করে তেত্ নার

জ্বালাময়ী নিঃশ্বাসে তোর।

দারিদ্র কতিও বিভৎস রূপহান তোর।

ফুলে ফলে সাজা সাজা

শংখ ঘন্টা বাজা বাজা

মনহান যৌঅইয়া

প্রভুর পূজাহান দিয়া

মেইরিক

হোমাদিং বুলতে
সাজারাংগ অইতে
চিকারীগ কাণে আহিল শত বজ্রর ঘোষনাল' -

“ঘরে নেই খাইর আলা
নেই আরো জপর মালা
হৌ এতা বেলা দিল তা?
হার না পেইল ছটন দ্যরাতা?”
না ছনিল ছটন দিলু —
হোমা দিয়া কাৎকরলু
“প্রভু এতা হাবি তোরতা
হিনঙ দুঃখঙ হাবি তোরতা ।
ঙাক্ করে দিস্ প্রভু ছনৌরি যেতা
হোভবা শান্তি হাবি যততা।”

নুয়া সুরগ সাজেইয়া আনতে
নুংশিপা সুরগল' মন্ত অইতে —
সুরগ ভাগিয়া বে-সুরা অইয়া
হাবি ছিড়িল ঝঙ্কার নেয়ইয়া ।
দারিদ্রর তোর ছেয়াগ দেহিয়া
সুময়া পরলু মুড়গ নোঙেইয়া ।

কবিতার ছন্দ - ইয়াম্ পছন্দ
লিখানি অকরলু মনর অনন্দ -
পাউরি গঁধহান ফুলর বাগানহান
ঢালিয়া দিলু হাবি বানাহান;
উজাড় করলু - সাজেইয়া দিলু
হোভাহান দেহিয়া চুমাহান খেইলু।

মেইরিক্

কিন্তু দারিদ্র - রাইক্‌খসী ! কাচাখোঁরী !

এতা কিত্তা ওঁ তি হোভা না পাউরি ।

হাবি ছিড়েইয়া মাংকরুয়েইয়া

বুকগত আতহান পুছুয়াউরি - ।

উহান অইলে হে তি হারৌ অউরি ।

তোর প্রভাবে ছৌয়ে জীপুতে

না' করতারা মালক বাপকরে ।

উচ্ছুংখল যত বিশৃংখল যত ,

উতারে ভর করে ।

দারিদ্রর আচার বেহার

আদব কায়দা যত অনাচার

তাণ্ডবলীলা খেলতারা -

দারিদ্রর রূপহান দেখয়েইতারা ।

কামে কাজে নেই ঘরগ হাবি

ফেশনে ভূষনে হাবি সাহেব-বিবি ।

মাতলেওঁ মরলে, লঙ্কাকাণ্ড —

নাইলে অক রতায়, কিঙ্কিন্ধ্যা কাণ্ড ।

নেইর গজে চা - এসাদে খেলা

চূপ মারিয়া থানা উহানেই বালা ।

অনার মাঝে অইলহান অইলতায়

চরম বিপাকে দারিদ্রর জ্বালা ।

অন্নচিন্তা বস্ত্র চিন্তা চিন্তা কততার

দারিদ্রর জ্বালার চিন্তা অশেষ অপার ।

খানাত বইলে খেইলতা চেইয়া

খানাহান নাহের

মেইরিক্

খেইলে কিতা - খানাত পরলে কিতা
জুহানে না করেব ।

ডাকতারা সমাজে
দশর দেশর কাজে
মান সম্মানও আছে
তোর গুনর যশর পিছে ।
কিন্তু যেইলগা উপায় নেই
না যানিও থক্ নেই ।
দারিদ্রর নিষ্ঠুর লাঞ্ছনায়
করিয়া থানা লাগের হয় হয় ।

মুখ্য অতিথিগ -
না গেলেগা না-অরগ
যানাত লেপছে
শালয়াও হদাছে
কিন্তু যানার খরচ নেই
দিতে ঔগও ঘরে নেই
আর তে উপায় নেই ।
গাড়ীর ও সময় নেই ।
'কোংগয় হার পেইল তোরে'
বদনাম ঘরে ঘরে ।
দারিদ্রর অপার মহিমায়
বন্ধ অইলে চারিয়োবারায় ।

দিন নেই রাতি নেই
পহর নেই ক্ষেন নেই
চাবুক লাগেয়া আছত

মেইরিক্

ইমে নুয়ারের অক্ষম উগর গুজগত।

দারিদ্র ! হিন্‌চারী !

নেই তোরাং হোঁদাবী -

অন্থক্ পারও লাজনেইতাপী ।

হায় কনাক্-শাক্‌পী।

মানুরে নেবুরিত পিরিয়া পিষিয়া খেলাওরি ।

উহান অইলেহে তি হারৌ অউরি ?

হিন্‌ দুঃখ তোর দূত ।

বিভিন্ন দিশেদে

হাগেদে বৌয়েদে

মাটিয়েদে পাতালেদে

চাউরি যেগদে দেহৌরি উগদে

দাঁত নিকালেয়া ধাব্‌দিয়া অইয়া

পরতারাহা গজেদে ?

লুকেইল মারাম নেই

লিতইল হুরিত নেই

জিৎতা করেও না থইতারা

মরানিও নাদ্‌তারা ।

অয়াও থাক - হে দারিদ্র্য ।

উতার কাযে পরোয়া নেই।

এতা করে করে তি তে মোর

সঙ্গীগ তে অইলে নায়।

তিতে মোরগ

তেরে তে আর ডরেইল কারণ নেই।

অঙ্গা অঙ্গি অইয়া অইয়া

মেইরিক্

আজি ফৌঅইলাংগা এপেই ।

হে দারিদ্র

দুঃখর সুমুদর

দেখলু তোর পাংকালহান

বুদ্ধি লৌশিং মাংকরিয়া

আওয়া সাজিয়া থানাহান ।

যেতাও অক, তরঙ্গ কাপে কাপে

লালইয়া পার পেইলু -

তোর শাসনে অইয়া অইয়া

বুঝহান পরিয়া নিকুললু ।

জ্বালেইয়া জ্বালেইয়া যত খইদ বেলাদিলে

মল সেচা দিয়া হুদা খাটি সোনা নিকাললে ।

হে দারিদ্র !

হে মহারুদ্র !

হে মহাতেজা ইন্দ্র !

হে তিমির বিনাশী চন্দ্র

যেসাদে যে বেশেও অইয়া দেহা দিয়া থাক্

তোর জ্বিগয় মোর হোনার রং হান

আরো জিঙে জুল্কাঙ্ক ।

—০০০—

অহঙ্কার

অহঙ্কার !

হইহান, শক্তি তোর অপার ।

চেলা-চামুণ্ডার রূপে রূপে রূপে

বিভিন্ন রূপে -

মেইরিক্

ফোঙয়া নিজর রাপে

থেংকরিয়া পথে পথে

বিনাশ করানি চেইয়া থার সেত্যহানরে ।

দানবী রাপে

মানবী রাপে

অসুরগর রাপে

সাধুগর রাপে

কত কত রাপে

আগুয়েইয়া আহর ।

কিহান তে করে পারর ?

সং উহানর মোঙে

সেত্যহানর মোঙে

অসত্য যেতা

অকথ্য যেতা

বানেইয়া বুনেইয়া

সাজেইয়া সোজেইয়া

যততাও মাত্

যততাও কর্

ধরা পরতেই পরতেই ।

গুরিল মাহি পুরিয়া মরতেই

চুষর ছালিগত ডহিয়া থাইতেই

লয় অইয়া নেই অইতেই -

কিত্তাও কানা নাইতেই ।

মেইরিক্

কাম্ ক্রোধ লোভ আর মোহ

মদ বারো মাৎসর্য্য

ঈর্ষা ঘ্বেষ দম্ভ বারো

আর যত যত দৰ্প

এতা হাবিৰ অহঙ্কারর রূপ

তোর রূপ।

এতা এতাই তোর বৃত্তি

এতা এতাই তোর কীৰ্ত্তি ।

ধন মত্ত মদমত্ত

রজো তমঃ শক্তিমত্ত কিহান যে করর

তিয়েই হার না পার।

অন্তরে তোর মত্ততা আছে

আঁহিগিত তোর দৰ্পপূর্ণ

ফলি পরেছে।

হাবিয়ে তোরে য়াকরকা

হাবিয়ে তোর আজ্ঞা বহকা

হাবিয়ে তোরে গজহানাত দিয়া চলোকা

তোর জয় জয় ধ্বনি করকা

এহানেই তোর মনহান

কিন্তু না জানস তোর মৌয়নহান কতিহান।

পুতনা হিন্চাপী

কাম সুন্দরী

উরর ছৌগরে মারানি মনেইয়া

রাইক্কসী মায়াৰ কীৰ্ত্তিহান থইয়া

মেইরিক্

বানা নৌরাকর ছটন দিয়া
বিষ পিয়ুয়েইলে হারৌ অইয়া ।
কিন্তু কানাহান কিহান অইলে -
হিন্চাপীর রূপহান টাঙইয়া নিকুল্লে।

লোভী বকাসুর-
তোর কতি যে কসুর ।
নহিলতাগ স্বাইয়া উবা অইয়া অইয়া
ছেব্ চেইয়া চেইয়া
গেরাস করর
কিন্তু গিলে তে নুয়ারার —
উতার আগে
ঠট্গী ফারিয়া
চিকারীগ দিয়া
পরলেগা নিজরে
প্রকাশ করিয়া ।

তৃণাবর্তরূপী ক্রোধ
বারো অঘাসুর রূপী পাপ
দান্তিক রাসভাসুর
অহঙ্কারর চেলা
হাবি এতা
কোংগয় তে টিকে পারেছিল তা ?
হাবিয়েও ফোঙয়া নিকুলিয়া আইলা
এতা হাবিয়েও পরাজয় মানিয়া সেত্যানরাং পরলা।

গিরি গোবর্দ্ধন আতহানাত্ তুলিয়া ধরিয়া

মেইরিক্

ইন্দ্রর দর্পও চূর্ণ করিয়া বেলেয়া
গো-বর্ধন করিয়া থনান অছিল
দর্পহারীয়ে সর্ব দর্প খর্ব করিয়া বেলাছিল

অহঙ্কারর বল-দর্প
নিজর পতন আনের অনিবার্য
বৃথা অস্ফালন মিকুপর কায়ে
বৃথা রাজমুকুট বৃথা রাজকীয় সাজে।

কালীয় মাৎস্য
কিহান ও বা তোর শৌর্য্য ।
তলে তলে থাইয়া
হার না পোয়েইয়া -
বিষেইয়া তুললে হৃদি-যমুনা ।
তি শূদ্ধ নির্মল
শান্তির যমুনা
ছানিয়া পিনিয়া বিষাক্ত করে তুললে ।
কিন্তু হক্‌হানরাং
সেত্যানরাং
কোরাং তে লুকা পারলে ?
শমনহান তোরতা
ত্বরা করে ডাহে বেললে ।
বাধ্য অইয়া ফোঙয়া নিকুললে
জনমে জনমে জাংদাল খেইয়াই থাইলে ।

বিশুদ্ধচিত্ত অনন্যা ভক্তিল,
ইষ্ট যেতায় চেইয়া থাইতারা

মেইরিক্

অউ বসুদেব-দেবকীর ছৌগিরে
জরম অনার লগে মারিয়া বেলিয়া,
সেতের নিধন করানি চেইলে।
চেলা চামুণ্ডাল মন্ত অইয়া
সেতের অপলাপ করিয়া করিয়া
জরম অইতেত পাসারেইয়া মারর
কতি পাষণ অছত ঠইগ তোর।

আরতে বাছানিত নেই-
অত্যাচারর অবসান শ্বে নেই।
অষ্টমে আহিল তোর কাল্গ
আর না পেইতেই ধাব্দিল পথ্গ।
মারেইয়ে - মুরেইয়ে ভর না ধরতে
আঁহিগি ভাহেইয়া চেইয়া থাইলেও
কানাহানতে আর নাইতে।

অহঙ্কার —

সর্বনাশা অহঙ্কার -

দম্ভ ভরা দর্পভরা অহঙ্কার
গর্বহানল' অন্ধ অইয়া
গজ তলহান কিত্তাও না চেইয়া
পারর বুলিয়া হয় উহানরে
বলি পাংকালল' চাপেইয়া থইয়া
বাপকরেও তি অবজ্ঞা করিয়া
কারাগারে নিয়া হিলর লুপাকল-
জাতেইয়া থইয়া অসহায় করিয়া -
সিংহাসনহান কাড়লইয়া বহর।

মেইরিক্

কিন্তু খাল্ না করর -”

পরিণাম যেহান

সেতাহান যেহান

উহানে তে তোরে ক্ষমা না কর্তৈ।

সিংহাসনর গজহানাত কাইয়া

মুড়গত মুকুটগ কাড়িয়া বেলেইয়া

চুলগত ধরিয়া মাটিত বেলেইয়া

আছাড়েইয়া

তোর বুকগত কায়া বহিয়া

অহঙ্কারর জুহান কাড়িয়া বেলতৈ

তোরতাও অউপেইত লয় অইতৈ।

সময় থাইতে

শরনাগত অগা, -

অনন্যা ভক্তিল’ -

সেবা করে যাগা

ইষ্ট লাভর কায়ে।

সর্ব্বজ্ঞত্ব, অমরত্ব,

প্রভুত্ব বারো শক্তিমত্ত

মদমত্ত অনা না মনেই;

বিশুদ্ধ সরল অন্তরে

কাংকরিয়া যাগা নিজরে -

পরমানন্দর কায়ে।

—ooo—

মেইরিক
চিত্রাঙ্গদা

চিত্রাঙ্গদা

রণ-রণ-রণ-

দেইয়া রণ

মনিপুর-ভাগ্য গগন-তপন

গন্ধর্ব্ব প্রবর !

পুতকর স্নেহ দিয়া, হিকেইয়া,

ডাঙ্গর করেছু বুলিয়া

তোর অন্যায় হানও ক্ষমা করিল

অধিকার মোরাং নেই ।

মোরতাও আছে পাংকাল

তোরতা ইচ্ছিল নাগয়

চেইতাঙায় আজি কতিহান কার শক্তি ।

মনিপুরর রাজাগ বভ্রুবাহন তি

মি রাজমাতা চিত্রাঙ্গদা

পাণ্ডব ঘরনী ।

ক্ষমা ভিক্ষা না চেইতৈ -

প্রাণ ভিক্ষাও না মাগতৌ

কিন্তুমান পুতকগ অইয়া

মালকরে

আজি যে সাজেলে বেল্লে

তার প্রতিশোধ

মোরতা নেনাই লাগতৈ

মোর হেয়কর সম্মানহান মোরতা থনই লাগের ।

মেইরিক্

ক্ষত্রিয়র রকত যদি
থাইয়া থার তোরাং
চিত্রভানুর শিক্ষা দীক্ষা
থার যদি মোরাং
চা বেলেইক্ পরীক্ষাহান
আজিকার দিনে ।
আয় আয় ত্বরা করে
দ্বৈরথ সমরে
চেইক্ কোংগয় জিঙে পারের
সন্মুখ সমরে !

বভ্রুবাহন

চিত্রা

ইমা - -
না-না-না-
ইমার লগর কথা নাগয় ।
বানা-নৌরাক্ না আছুলি ।
পাণ্ডব ঘরগীর লগে
মনিপুর নৃপতির
লয়ক আজি পরীক্ষাহান
দ্বিয়োগির লালফামে ।
অজ্জুন কি গো - তি আজিও
না চিনেছত্ ।
অজ্জুনরে কোন ফাকে
বেহাল করিয়া
মনে মনে হারৌ অছত্
জিনেছু রুলিয়া ।
মি থাইতে মোর মুঙে

মেইরিক্

অৰ্জুনৰে জিনেকুৱা এবুজঙ আছত্

অৰ্জুনৰ চিত্ৰাঙ্গদা

আছু মি এপেইত্

হাৰ না পাছত্ ?

বভ্ৰু

ইমা-মি তে -

চিত্ৰা

বাক্য জালে বেৰা বেৰা

সময় না খেদি ।

অস্ত্ৰ ধৰ্

যুদ্ধ কৰ্

উবা অয়া কিয়া থাৰ ?

মি তে আজি যুদ্ধ কৰাত

লেপছু এপেইত

ধৰেছু অস্ত্ৰ আক্খুলিগ

পিছ নাইতৌ কদাচ্চি ।

মোঙা মোঙি লাল্ফামে

মোর হেয়কৰ কাফামে

ঠাইগ যাক্গা

মোর প্ৰতিজ্ঞা-

পতিৰ মৰণ মি আঁহিগল' না দেখ্তৌ

যতদিন মি জ্যিৎতা

অইয়া থাইতৌ ।

বভ্ৰু

ইমা হ্ৰন্ —

ইমা মি না জানু

কোন ৰাজাৰ পুতক আগয়

মেইরিক্

ইমার রাজ্যদে দৰ্প করিয়া
অশ্বমেধৰ ঘড়াগল'
যারগা তোর য়াথাং না লইয়া
লগে আছে তেঙ্কল্হান ।
ইমা মোৰ কৰ্ত্তব্য তে -
তারে খাম্ করানি,
তার লগে যেসাদেওঁ মোৰ
মোকাবিলা অনি —
অজ্জুনৰ পুতক বভ্রুবাহনে
উহান না করে পারতৈ তা ?
ক্ষত্রিয়োচিত কামহান
উহান কি অইতৈ তা ?
কিগয় জানে কি সাদে গ
মনিপুর মাটী ফেইতুপ্ দিয়া
যারগা মোরে উসিং না করিয়া
বারো মি তারে না খাম্ করানি
অজ্জুনৰ পুতক বভ্রুবাহনৰ
উহান্ থকহান অনি,
ইমায় মাতৌরি উহান
কিসাদে কথাহান অনি ?
পাণ্ডব-রতন অজ্জুনরে
কিসাদেগ বুলে পারর !
কতিহান স্পৰ্ধা তোর !
তোর জুহানাত্ এবুজ হেলার ভাবহান ।

চিত্রা

মেইরিক্

অর্জুন বিজয়র অহঙ্কার হান
এবুজও দেখ্যার চৌরিয়ান ।
পিতৃঘাতী নরাধম তি ।
কত কতফুরম্ তোরে
য়ারী পৌরি দিলু
ত্রিভুবনজয়ী অতি মহারথী
অর্জুন তোর বাপক ।
হার্পা হার্পা বাপকর লগে
লালফাম্ করিয়া
বাপকরে বেহাল করেছত !
কুলাঙ্গার - নরাধম !
তোরে ক্ষমা করিল যোগ্যগ নি অছত ?

বলু গালা মোরে গালা -
ইমায় পারিলমাহি গালা -
কিন্তু ইমায় মোর কথাহান
না হুন্লেতে
ইয়াম্ দুঃখ পেইতৌ ।
ইমা মোর বাপকরে
ভুবন বিজয়ী অর্জুনরে
কোন দিন না দেহেছু
ইমায় ও মোরে কোন দিন নিয়া
পরিচয় মোরে না দেছত - ।
জনম এহান ইমায় মোরে
খেই করিয়া হে থছত ।
ইমায় মাত্লে অর্জুন তোর -
কতি হোতা মানুহগ -
কই, পরিচয় দিয়া মাত্তে, মোরে
পুত্র-স্নেহ ও নাদল

মেইরিক্

অতদিন পিছে দেহিয়া ছৌগরে
আদর করিয়াও না ডাকল ।
ইমা তোর কথাও না আংকরল !
উতাও বেলেয়া
হেলা করে করে
নিন্দা করিয়া
মোরে বেশ্যার পুতক বুলল ।
ইমা, মোর ইমারে বেশ্যা বুলল
উগরে মাতৌরি হোভাগ ?
ছৌ জরম দিয়া পাছরের উগরে
ইমায় হোভাগ বুললে ?
ইমায় যেগরে ও হেয়ক বুলগা
ইমা তে মোর মালক -
ইমারে কোনোগয় বেশ্যা বুললে
খালকর, মি কি বেশ্যার পুতক ?
ইমায় মাতৌরি তোর পুতকে
উহান ও সহ্য করক ?
এহান হাবি যদি অছত্ ইমায়
অজ্জুনর সালেদে —
ইমায় আজি পরিচয় দেনা লাগতে ।
বাপকর মুঙে পুতকরে নিয়া
ইমায় পরিচয় দেনা লাগতে ।
পিতৃঘাতী নরাধম মি
পাপর ভারহান সেচেইং
যে আতহানল' কাড় গাড্‌দিলু
এইগার চরনে ধরিং ।
ইমায় মোরে ভুল না নিংকরিস
মি বাপক চিনিয়া লাল্‌ফাম নাকরেছু
ইমায় এহান হারপেইস্

মেইরিক

ইমা, যুগ যুগ ধরিয়া
বাপকরে পেইয়া
বাপকর উম্হান
পেইম্ নি বুলিয়া
কত দিন যে কাটেইলু —
মনে মনে কত কাদলু —।
পিতৃহারা সন্তানর জ্বালা
ইমায় কতিহান হারপাছত্ —।
মি অভাগা পুতক্গ তোর
বাপক না চিনিয়া পুতকর দুঃখ
ইমায় তে হার না পাছত ।
আজি মোর শুভ দিন এহানাত
অঘটন যদি ঘটিল
বাপকে মালকে মোর গজেদে
লাল্ফামর রটনা রটিল-
এহানেই মোর ভাগ্যহান
মনিপুরীর ভাগ্যহান
হারৌপার দিনে হারৌপা নেয়র
সৌভাগ্যর লগে দুৰ্ভাগ্যর পার ।
ইমায় প্রতিশোধ নেগা-
মোর গজে ইমায় তোর স্বামী হত্যার
প্রতিশোধ নেগা -
মোর করিল কিত্তা ঔ নেই ।
ইমায় যে সাদে পতিব্রতা
ইমাঔ মোরাং সেক্ষ্যাতে দেবতা ।

মেইরিক্

ইমার নিন্দা মোঙহানাত হুনিয়া
প্রতিবাদ না করের পুতকগ অইয়া
উগর থাইল কি কাম ঠইগ ধরিয়া।
ইমা তি যে মোর অতি আদরর ইমা
ইমা তি যে মোর অতি ভক্তির ইমা -
ইমা তোর কাষে হে লাল্ফাম করলু -
ইমার নিন্দুকরে প্রতিফল দিলু।
উহানর কাষে ইমায়
মোর গজে ছুপ্ নারাজ নায়।
ইমার আদেশ মুড়গত লউরি —
ইমায় আদেশ কর —
কিহান শাস্তিহান মোর।

চিত্রা - বভ্রুবাহন - বাছাধন মোর।

ঠুঅইলু মি তোরাং।
পতিপ্রেমে অন্ধ অইয়া
পুত্র বলি দিলু।
বাবা ! তোর গজে মি অবিচার করে বেল্লু।
আজি তোর মাতৃপ্রেমে মুগ্ধ অইয়া
মি হাবি এরা দিলু।
দীর্ঘায়ু অ' বাবা, তি দিগ্বিজয়ী অ'
মি বর দেউরি তোরে -
তোর বাপকর সাদেনে
গজে থইয়া বিষ্ণু ভগবানে
তি সর্ব বিজয়ী অইস্।
কিন্তু উপায় কর্

মেইরিক্

বভ্রু তি এবাকা উপায় কর
সংকট এহানাত বাপকরে
জিৎতা করানি থকর ।
বাপক পুতকর মিলন দেহিয়া
মোর আহি দ্বিয়োগি পেলক্ ।
পতির চরনে সমর্পন দিয়া
চিত্রার শাস্তি অক্ - ।

বভ্রু, তি উপায় কর ।

বভ্রু ইমা উহানর সালেদে ভাবনা কিতার ?

ভগবান যেগর সহায়ে থার
উগরে মারানির ক্ষমতা কার ?
কৃষ্ণয় হাংকাতও হারপেইল তার
সখার কিহান আছে;
শ্বেনেই অইয়া ফৌ অইতেহা
মানুহল দারিকা হস্তিনার ।
এবাকা ও ডিল্ নাছে

যেইক্গা ইমা পিতৃ সকাশে ।

ইমার চরন হান ছক্ইয়া মাতৌরি
তোর বভ্রুবাহন মি; মি দিতৌ
মি বিরহী ইমার পতি গিরকরে
জিৎতা মিলেইয়া দিতৌ ।

পতিভক্তি মাতৃভক্তি

পিতৃভক্তি এতা

প্রেমর কথা - মনিপুরর গিথা

উজ্জ্বল করিয়া থইতৌ ।

মেইরিক্

ইমার পতিপ্রেমে মোর খুলে দিল আঁহি
বিষুভক্তির উবেদে
বিষুগর প্রেমল মনিপুরী হাবি
বিষুপ্রিয়া হংকরতো।
পিতৃ ঋণহান ছজানিরকা
সঞ্জীবনী মণিগ বিছারেইয়া
যেপেইততও অক মি গিয়া আনতৌগা
কৃষ্ণকৃপায় পিতৃদেবরে জ্যেতা করানিরকা
লাগলে ঠাইগও মি এরা দিতৌ।
ইমা তোর মেইথঙে তে
জনমে জনমে হারৌপাহান আনতৌ।
ইমার মেইথঙে খুসীর মুক্‌সিহান
দেখ্তৌ মি দেখ্তৌ।

—০০০—

প্রভু

মোর এ জীবন
তোর হে শরণ
তোর হে চরণ মাগৌরি
উহানল' তোরে মি ডাহৌরি,
তোর করুণা
তোর হে চরণ মাগৌরি
উহানল' তোরে মি ডাহৌরি।

তি হে নাথ অনাথর বন্ধু
তি হে দীন বন্ধু হে -
তোর করুণা
তোর হে চরণ মাগৌরি
উহানল তোরে মি ডাহৌরি।

মেইরিক

তি হে দীন নাথ দয়ার সাগর
তি হে করুণার সিন্ধু হে -
তি হে গতি অগতির বন্ধু
তি হে পতিতর পাবন হে
তি হে জগন্নাথ
তি হে জগতর বন্ধু হে -
উহানল' তোরে মি ডাহৌরিয়ে।

—০০০—

বারিষা

আষাঢ় হাওন বারিষার ধন
পেইয়া কৃষকর দল
চিংখৈইর আগে ধাব্দীলা লপুকে
লেম্পালে তুলিয়া লাস্তল।
তানুরে দেহিয়া হুক্‌হানে আহিয়া
হারৌপায় করিয়া ধ্বনি
টপ্ টপ্ করিয়া আহিয়া আহিয়া
পরের পাহেয়া ধরনী।

লক্‌গ পেইয়া মত্‌ত অইয়া
খাটিয়া বেলীটিক্‌ পেয়া
ঘরেদে আইলে ঘরগিথানীয়ে
মাতেইরি হারৌ করিয়া।

আল্‌হান ধরিয়া হস্‌হান বলেয়া
লপুক্‌গ আশাংপা করলে
হারৌপার ইথেইগ ধরে থ পারতেইগ
ফৌদকহান হোভাক্‌ পেইলে।

মেইরিক্

আয় আয়

আয় আয় আয়

কাকেই কাড়িয়া আয়

না, আংকুরি না কাড়ি;

আয় না অয় উবুরি।

উঠ্ উঠ্ উবা অ -

মুঙহান চেইয়া হারৌ অ

কাকেই আহান দুহান করে

তাপ্প তাপ্প কাড়ে কাড়ে

আগুয়েইয়া আয় - ।

আয় আয় আয়

পা পা পা —

থমক্ দিয়া আ -

সেং সেঙেইগ রোহের নেগা

বেলুনগদে ঔ চা

আটে আটে আ -

থমক্ দিয়া আ -

হি হি হি -

জিঁ জিঁ জিঁ

পরিল ঔরে পরিল -

না - না - না

মেইরিক্

না পরিয়া উঠিল ।

পরে পরে উবা অছি

উতায় উবা অইতারা

নিজর জাঙে ভর করিয়া

মুড় তুলিয়া চল্‌তারা ।

বাঃ বাঃ বাঃ

এন্না আয়া ফৌঅইলেহা - ।

আয় উসাদে কাকেই কাড়ে

খানি খানি খানিক্ করে ।

ফৌঅইলেহা আইয়া আইয়া

পরিল কোন ডর নেয়ইয়া ।

কাকেই খানি হিকলে নায় ।

আটানিহান পারলে নায় ।

অইল্‌গা এবাকা হিন্ পেইলে

বারো আটতেই জিরেইয়া উঠ্‌লে ।

—০০০—

বর্ণর তালে তালে

কাল্য গিদেই কাল্য গিদেই

স্যাংহান হোতা কাল্য গিদেই

অ মা-ইয়ে তোরে লইয়া থাইতে

কাদৌরিতা কিতার কা তে ।

মেইরিক্

আবকে তোরে আংকরিরি

ইচেম্ সীজায় আদু দিরি,

ঈশ্বা অইয়া ঠেমো দেনে

অইল্গা আর তে না কাদিনে ।

কাল্গা গিদেই কাল্গা গিদেই
স্যাংহান হোভা কাল্গা গিদেই ।

উপু উগত ফুতি-ফালি

উড়না - ফানেক-আঙালুরি

ঋগর সাদে মুজুরিয়া

ঐকল আঁহি নিকালেইয়া

না কাদি নে সাজা দিৎ

ফুতি ফালি পিদা দিৎ

কাম করিৎগা সময় নেই

এরা দে নে কাল্গা গিদেই ।

এক্কা গাড়ীর শিক্গ মাহি

ঐরাবতর হরকাং আঁহি

ওলগ খেইয়া খরগোস ছৌগয়

ঔরে তোরে চার্তা উগয়

তিও লগে খেলাগা নে

অইল্গা আর্তে হিন্ না দিনে

কাল্গা গিদেই কাল্গা গিদেই

স্যাংহান হোভা কাল্গা গিদেই ।

মেইরিক্

কলা কান্দা ও তোরে দেউরি

খারৌগাছ ও পিদা দেউরি

গৌরুর সেল্‌কম্ আনে দিলু -

ঘরগ হাবি তোরাং দিলু

উল করে দে হারৌ অইয়া

পেটগ বুজে খেইয়া খেইয়া।

চালর গজে চেন্‌চরাগ

ছাতিগল' আহের হৌগ

জাহাজ ধাব্‌দের পানিয়েদে

বান হান রোহের মন্দিরেদে

এতা হাবি মুঙে থইয়া

কলা গিদেই থাক্‌ নে চেইয়া।

টুপি আগ পিদা দিং

ঠালি আগত বহা দিং

ডালিম আগ খেইয়া খেইয়া

ঢাক বাজেইয়া খেলা নে।

তসিলাগ ও ধারানি

থরর হাওঁ কাপানি

মেইরিক্

দাহান চেইতে না পাউরি

ধানকুনি ও হিজানি

নউগত তোরে এরা দিতৌ

আরতে তোরে নুয়ারতৌ।

কালাগিদেই ঠেমো দে নে

মোরে খানি বানা পা নে।

পেঁপুরাগ আটে যারগা

ফড়িং উগ ফড়দে যারগা

বাঘগয় ওরে ছংকার করের

ভালুকগরে ডর দেহয়ার

মেকুর মামায় ঘরে থাইয়া

খার যেতা মন চরকরিয়া।

হোতা গিদেই কালাগিদেই

তি তে উতা না করতেই

হোতাহান হে বিছারতেই

নাগয় তা মোর কালা গিদেই!

যতর হানল' ছতা কাটিস্

রংবেরঙর ফুতি বুনিস্

লৌহাউর গঁধল' গঙালেইয়া

বনমালা পিদা দিছ।

মেইরিক

তালব্য-শ্যৈ শংখ অইলে

দন্ত্য-সগয় সিংহ অর

মূৰ্দ্ধন্যষ পেট কাটাৰা

ষাড়গ নাইয়া কিতা অর।

ইনুমানজী রামর ভকত্

গড়ুর কিন্তু বিষ্ণুর ভকত

ঢ়য় বুঢ়া অইয়া

কল্ঠা অইয়া খাং করেৱ।

ংঅনুস্বারগয় চংদের উপেইত্

ঃ বিসর্গয় ঠুনিঃস্থা বেলার

চন্দ্রবিন্দু হাগে থাইতে

ৎ খণ্ডত গয় কৎকরেৱ।

কাল্য গিদেই হোভা গিদেই

য়ারী এতা ছনিয়া

বৰ্ণ হাবি হিকে যাগা

পা-করিয়া লিখিয়া।

—০০০—

মুরুসি

(১)

এৱে যে তোমাৱে দন্দ

তোমাৱে কৱল অন্ধ।

(৮৬)

মেইরিক্

শুভাশুভ পাছরিয়া
হিতাহিত জ্ঞান হারেইয়া
নিজরে নিজে জয়ধ্বনি দিয়া
হাব্বির পরাজয় ডাহিয়া আনিয়া
অপমান করলে
হিংসার জ্বিগল' জ্বালেইলে
তোরেও যে তি পুড়ে বেললে
তি কোংগ ?
সমাজর তি আগ ?

(২)

যুগে যুগে তোরে
দেহিয়ার এরে অউরে
রংহান পটেইয়া
স্যাৎ বদলেইয়া
ভোলেইয়া থনা মনাছত;
কিন্তু শাক্তি যেহান
উহানাত্ হে আছত্
হোভা তে অনা নুয়ারেছত্ !
তি কোংগ ?
সমাজর কিসাদে গ ?

(৩)

কার গজে তোর প্রতিপত্তি
গাবনর রাজাগ
কার নাঙে নাং কামানি মনার
হিয়াল পণ্ডিত গ ?

(৮৭)

মেইরিক্

খুচেইয়া খাচেইয়া লগর কতগল'
যেপেইত্ হেপেইত্ গালি-কৌলিল'

করম্ ভাগানি

তিলনি নাদানি

উহান হে হুদা চেইলে

কাম অইল নাইল হার নাপেইলে ।

সমাজর নাঙে সমাজ উড়া বেল্লে

ভাগিয়া-ভোগেইয়া ছুন্ছাতু করে দিলে ।

বোঁ উড়েইয়া জ্বি উড়া দিতে

জ্বিগ তোরাং হে বেল্লে

মুখ-পোড়াগ ঔ অইলে

তেব মুরুসি মালইয়া থাইলে

তি কোংগ ?

সমাজর তি কিগ ?

(৪)

নির্লজ্জ কাণা !

ইতিহাসে নেই তোঁর মান্না !

সমাজর নাঙে সমাজ ডুবেইয়া

এবুজ ঔ সমাজর আগ তি বুলিয়া

কামাড়েইয়া আছত্ উদালা ডাম্হান

কতগ ছলানি উহানে কামহান

এহান কি তোঁর বাপকর সম্পত্তিহান ?

তবু তি মনার আগ

সমাজর তি কোংগ ?

(৮৮)

মেইরিক্

(৫)

ইতাও, তি ও কিগ

মি ও কিগ

কাণার লগর কাণার কাণাগ।

তানুর নাঙে নাং লাগেইয়া

দলাদলি কৌলি করিয়া

আমি য়ে আমি য়ে তানুরে থছি

ভাঁগা ডাম্‌হানাত্ বহেইয়া।

হারপা হারপাও এহান কিহান

নাইলাং মান্‌না মিচাং হান।

আমি আক্‌তা অইয়া থাইলে

তানুতে কোংগি -

নিকুলতায় তানু —

সমাজদ্রোহী হিয়াল পণ্ডিত গি।

(৬)

হুসিয়ার হেই হিয়াল রাজা !

আহিল সময় পেইতেই সাজা

হোভায় হোভায় হোভা অ' যাগা

কালর হুত্‌গত্‌ অনাংশা নাহেইগা -

এবাকই পথ কর্

হোভা অইয়া পা নে বর !

নাইলেতে রাজা

খেইতেই সাজা

পেইতেই মজা গাজা গাজা

কাদতেই হুদা কেজা কেজা

(৮৯)

মেইরিক্

আছুল্‌তায় তোরে
ঢোল্‌ বাজা বাজা -

রাজা কেজা

রাজা কেজা

কেমন মজা

নিজর হাজা

কুৰ্মুর ভাজা

তাজা তাজা

কেমন মজা

রাজা কেজা

রাজা কেজা

আরক ঔ কেজা ।

—০০০—

সমাজ দরদী

সমাজ দরদী তুমি -

তোমার তা ঔ সমাজ আছে তা ?

সমাজর গজর দ্যোগি তুমি

সমাজর কাযে তোমার তা তে

কিতার বারো চিন্তা !

সমাজরে তে হার না পেইয়া

সমাজর নাঙে নাং কামানি মনেইয়া

সমাজর মুরুসী মালইয়া মালইয়া

পদবীহানি যেইতৈগা বুলিয়া

ডরেইয়া ডরেইয়া ক্ষাং লাগিয়া

উদালা কলহ্‌গর রোহন্‌হান দিয়া

মেইরিক্

মঞ্চগত বহানি উহান হে তোমার তা।
সমাজহান থাইল না থাইল তোমার কিতা ?

গণতন্ত্রর গাবন দিয়া
জাত বেজাত কিতা তঙাল নাকরিয়া
খেদিয়া, আনিয়া, জাতহান বলেইয়া
সমাজর মানুহ ইয়াম করোয়ায়
সমাজ ডাঙর করোয়ায়
ঘাঘারারেও বিছারারায়
পয়সাল' ও জাত তুলরায়
এতা করোয়ায় এতা

তুমি সমাজর দৌ নাগয় তা ?
ময়ূরর পাখ কৌয়াগয় লাগেইয়া
হোভাহান কিতা ইয়াম্ অরতা !
হাব্বি মুরুসীর কথাহান আকৃতা।

হই না নাগই মাতো তা
তুমি সমাজর দৌ অছতা!

যোগ বিয়োগ করিয়া চেই —
এতায় সমাজ জাঙর অইল তা ?
না সমাজর মান বাড়িল তা ?
তুমি সমাজল' খেলারায় তা
মাতো, — গনতন্ত্রর গাবন এতা ?
কোন্‌বাকা - কোন্‌পেইত্‌ কিহান খাটের
খানিমানি আহান হারপানি লাগেব্;

মেইরিক্

অউ জ্ঞান ঔ নেয়ইলাইতা

সমাজহানরে তোমার লগে

ডুবানিত বেলাছ তা ?

তবে হইহান তুমি দৌ অছতা

ধলাদৌ নাগয় কালাদৌ তুমি।

তোমারে আমি বাক্কা দেহেছি

উনা অইয়া আমি তাপ্‌ও উঠেছি

জাড়িয়া জুড়িয়া তেবও আছি - ।

আজি দেহিয়ার তোমার ছেয়ার লগে

কালাদৌর লগে —

নাচিয়া নাচিয়া ভূত-পেরতে

গাবনহান থছি চালেইয়া

গাবনর পাট্‌ দিয়া

মোর ভেয়কে এতা করেছে

মোর বাপকে উতা করেছে

মোর বোপাকেও হাব্বিতা করেছে

আমার লয়াগয় বাঢ়িয়া চলেছে

কিন্তু মাতে তে নুয়ারের

তা যে কিহান করেছে।

সমাজহানরে উড়া বেলেইয়া

ছদা জাতমাংপা সমাজর বাহুবা দিয়া

ডায়েস্‌গ গরম থছি

বংশ কতহানে ধন্য করেছে

মেইরিক

তানু সমাজর গজে লাংটিয়া অলছি
না জানু তানু যে কিহান মনাছি !

সমাজর বানা পেইয়া —
লাংটিয়া অলইয়া - গজহানাত চড়িয়া
চিলা চিলা করিয়া —
চারিযোবারাদে গঁধহান ছিতারা দিয়া !
জ্যিৎতা জ্যিৎতা মারিয়া সালছি —।
তানু সমাজর বানাহান থইলা তা।
না - সমাজহান হংকরলা তা।
সমাজ দরদী এতা !

মেকুরে সেলকম রাখ্তে গা
সমাজর এ দশা অছেগা ।
আজি কুস্তীরগয় কাদের শিকারগর বানায়
ডায়েস্গ রোহের সমাজর জ্বালায় ।

অইল্গা বেলেই মায়ার কান্দন
আর না সাজেইয়ো গাবনর সাজন ।
মেরুদণ্ড নেয়ইলায়
হপারাগ করলায়
ধন নেই পয়সা নেই
শিল্পা নেই ব্যবসা নেই
বি বেচিয়া বিন্ডিং তুলিয়া
ডাঙরিয়া অইলাং !
খেইলতা ঔ নেয়ইলাং ।

মেইরিক্

অইন্ জাত কাদাত অইলা -
আমারে জাতেইয়া সেচানি অকরলা।

দরায় লাম্ লইলা
চাকালায় বনে ধাব্ দিলা
পথ-ঘাট বেড়া দিলা
হাইহানও মাতানি নাদলা
সমাজ এসাদে আর থা পারলা ?

অউগদে চেইয়া সমাজর দৌয়ে
পথগ চুম্ করে দেকা
চাপাল খেইয়াও থাকা
পথগতে চুম্ করে দেকা।
পথগ দেছয়া দিয়া
মোঙেদে বাঢ়া দিয়া
শিক্ষা-দীক্ষা শিল্প বাণিজ্য
নিজর যেতা হস্তকার্য
নিশিং করুয়া দেয়।

মুরুসির মুড়ে অক বিবর্তন
আনকা সমাজে নুয়া পরিবর্তন।
উহানর সালেদে কালাদৌ তোমারে
চাপাল মাহি দিতাঙায়
সমাজর দৌ জনমহান তোমারে —
নিংশিং অইয়া থায়থাঙায়।

—০০০—

